

298335

雙
星
圖

线 853·3

4052

*5 42


雙
星
圖

古本戲曲叢刊五集

據中國藝術研究院戲曲
研究所藏清康熙樂餘園
刊本景印原書版匡高一
九四毫米寬一二四毫米

雙星圖小引

星辰之繫於天也相去萬幾千里其果金繩玉緯以
繫之乎抑亦鼓其大氣績為鈎絲以舉之也間嘗遊
明月之下頌黃姑織女時相見之句漢、銀漢安得
而時相見乎按野史有織女詣牽牛之說漢史載張
騫泛槎至北海遇織女贈支磯石唐史載三郎七月
七夕與玉真矢於長生殿此又其彰明較著者也且
天行每歲冬十一月至日次於丑垣正陰去陽生之
候說者以織女為天孫牽牛為三將軍貴臣內戚又



不知河北之放曾邀省宥否耶此正天上一大歡喜
部頭勝於月中霓裳羽衣曲多矣何自元以後曾
無有佐之者或曰難也以三垣也而九垓則聚其班
難以經星也而贅疣則措其詞難以非佛非仙非人
非鬼而欲曲寫其悲歡離合之致則得其情難以予聞
之俯首而退試閉戶月餘聊以告無罪於二星庶幾
乎可無慚於三雞之說矣宜黃無穀謳者識



雙星圖目次

卷上

圖弁

借遊

遺絲

樓宴

緣靚

冰傳

機合

旂現

贈奩

星迎

群戲

情戀

糾離

石鬪

分影

卷下

填河

河溯

蚩動

避寇

星陷

車載

城壘

愁臺

伏魔

孽逃

叔女

錯悼


試貞

欵閣

鵲夕

雙星圖卷上

無聲謳者編



第一齣 圖弁

瑞龍吟副末上情無譜千古惟有淵明閑情一賦倘然
神女高唐相觀盡是妖雲孽雨秋如縷臥看牽牛織
女一年一度天星未免多情真情豈在朝朝暮暮此
話桂城曾遇泛查有客料非欺侮我將筆乳傳情珊然
呵楮玉樓邂逅正是遺情處青鸞合歡情稍戀天工猶
妬大劫還飛絮從茲滿地傷離緒幸有星爲主君莫咲

石白先生撒古雙星如是風流須悟

情必淡而可貞雙星會鵲

情惟痴而始慧精衛填河

情若蕩而自災兩尤煽焰

情既忘而普惠武曲摩柯

第二齣 借遊

遷鶯帶瑞鶴喜遷鶯生扮牛郎丑扮牧童雜扮二旂手
隨上清虛無底鎮幾袖煙屏一鞭霞氣腸斷桃林聲悲
牧笛漫漫長夜何其誰說才高文角休教情逐花蹄瑞
鶴仙且坐分犢草望千羣茁壯長而已矣

鴈平沙凭欄渺渺銀河錯紀年轉轉桃花落烟沉霧
冷宵衣薄真消索誰言天上神仙樂既不溯天台
一角又不搗玄霜一藥夕陽短笛淒涼惡空担閣痴
情怎向凡間學下星牛郎是也列宿垣之九居坎位

之中祖肇一元實涵太極嗣多大武能靖羣氛若金
畊若水畊若火畊若木石畊功補陰陽之闕爲立牡
爲青牡爲駢牡爲黃白牡精儲元會之奇論毛族四
萬八千享帝唯需綉特溯天運三百六十誕生實應
華年所以支派繁多遂爾流居凡土盤古肖其首而
御世墾開混沌之荒老聃騎其背而出關高列神霄
之座這也不在話下只是俺爵叨司牧祿賜天田旁
列有左右兩旂以修武備又幸有車司王良馬司造
父往來相契昨日接來玉旨將屆五百年灰劫之期

例用純正肥犧上郊無極三十二昊穹始生之帝俺
已嚴勅牧長加意孳調今日不免向牧場巡視一遭
也

〔宜春令〕這是銀河畔可詠思望斗間維南有箕轉望介
笑同垣季女虛虛厮守那孤危室〔小丑〕遠遠望見青
齏的白晃晃的便是東西兩圍也〔生〕山障了元氣佳哉
川流了吾牛美矣咳安得這牛兒呵耕的這天田產異
種成雙璧

孝順兒孝順歌雜扮二青衣牧童二白衣牧童吹笛唱

上無腔曲沒韻詩尔牛來思扣角吹哥錢牛盡人世難
尋把牛鼻作牛聲介唔哼苦兮小丑唛星君在此還不
叩頭雜見介東西二圍牧隊長叩頭生俺昨日吩咐你
們用心看管還在這裏頑耍麼雜不敢江兒水合霎時
纔把青兒喂價時牽向風兒憇作牛淫狎介還有個雙
雙淫戲生喝介雜星君若不是牝牡同交怎能殼生生
不已

生你們好生看管俺日後自有重賞雜謝星君各吹
笛下生再向南北二圍行一遭也行介

宜春令 離爲殿坎作池盼蒼茫烟霞盡衣盈盈河漢轉
過人間應識風流味俺且站立高岡南望赤羣北瞻玄
牡直個畜牧繁盛可用粟量也論孳息九十其特盼牧
奴什千維輩俺待要騎的這青牛朝帝選成佳麗

孝順兒 孝順歌 雜扮赤衣二牧童黑衣二牧童醉唱上

桃林舞杏葉飛醺醺醉傾牛耳卮哥牛頭夜叉持誰能

見牛尾 作牛觸介 躑躅惡兮 小丑 哇星君在此快些叩

頭 雜見介 南北二圍牧隊長叩頭 生 俺昨日吩咐你們

用心看管怎麼吃得這樣醺醺爛醉好打 雜 不敢 江兒

水合前

〔生〕你們當用心看管俺日後自有重賞〔雜〕謝星君各
作醉態下〔生〕巡視已畢左右可打疊回垣去也〔雜〕領

鈎旨

〔三學士〕小生扮王良末扮造父上〔白玉樓〕高聳帝畿勝

遊共約驅馳〔小生〕自家王良是也〔末〕自家造父是也〔合

〕白玉樓成特來約牛九郎同去遊覽〔指介〕那前面行走

的正是他了不免近前相見〔見介〕九郎到那里去來〔生

〕俺困騰騰吐不出腌臢氣波碌碌料難消箸笠衣二兄

到此有何見教小生末願駕御君家觀止矣凌虛記莫
辭題

生有甚美景二兄來約小弟去遊玩也小生末九郎
你不知道呵

琥珀貓兒墜樓成白玉的習瞰瑤池生哦白玉樓就落
成了小生末奉有絲綸許共嬉不分仙客與真妃生既
然如此小弟願步車塵隨驥尾了小生末須知俺攬轡
持鞭莫負佳期

尾聲末俺輪中輾玩瓊樓美小生筭多少遊人逐馬蹄

〔生〕俺只怕攢鼻長絲牽動咱憔悴矣

〔生〕奇犀半角照天峯
〔小生〕漸入三輪玉鏡中

〔末〕願得新詩來馬背
〔合〕揀將靈運闢蘆叢

第三齣 遺絲

珠簾逗花心 珍珠簾 旦扮織女上 霓裳輕軟嬌無那 擲
金梭 怎禁得 聲聲伊軋底事 不堪 渣鎮日向機房靜洒
小旦扮承筐上 花心動 妖嬈侍女飛瓊詫 狠伴着星娥
守寡合 浣水紗問迢迢 河漢誰泛靈槎

梅花引 旦彩雲阿乳風窩杼 軸聲聲訴 奈何 小旦采
菱歌采菱歌 嚙彼小星攀花花睡麼 旦銀紗浣泪河
邊雪支磯砧怨 天間月 小旦星主 你絲幾梭花幾科

旦人在小樓織愁愁轉多 奴家織女是也 玉皇實胤

銀漢名姝組織輪光黼黻靈化俺祖母廣桑教主乃
秦皇天帝之姝巧闢蚕叢帝念下界祁寒爰命螯降
軒轅世名螺祖母氏清河君主職掌水渠不幸河決
汎濫人間洪荒九載帝加微譴謫下塗山撇得奴家
一人在此好不淒涼喜得祖母在凡所生一女名曰
精衛後因乘筏求仙溺于東海化爲羽族啣石填波
欲救人世沉淪之苦帝嘉其志升爲散仙與奴家有
綿臙之親遂常往來炤拂小旦星主這些時精衛姑
姑不見他走動來旦多管是今日要來也

傍粧臺他像個小孩哇海枯石爛口血未曾還小旦精
衛姑姑好不痴也啣石填海安有此理旦蠢丫頭天上
人間那一樁事不從痴情中來爲半點情癡種因此上
証了仙家承筐你道沒有此理呵那萬里天崩裂怎煉
石能縫罅誰知道真共假你將成敗妄彈牙

小旦星主閑話兒休提如今白玉樓成俺這里三十
六房機女們粧得村的村俏的俏俱等待明日去耍
子哩星主你可也帶承筐遊一遍兒旦昨日接來勅
旨當速辦文綉千箱以備郊祀賞賜之用俺那得有

心情去遊玩也

〔天香滿羅袖〕〔皂羅袍〕爲恁的閑遊頑耍料玉樓人遠有
甚光華〔小旦〕星主你若待去呵〔桂枝香〕那俏靈梭擲動
了兒家你若不去呵這夜遊錦誰欵你俊雅〔旦〕你一惺
惺透咱一惺惺透咱將人調達〔皂羅袍〕俺和你招風毒
嘴釘兒鎖鑿行雲毛脚刀兒細鏟〔小旦〕咦你女娘行怎
很變了三章法

〔惜花賺〕老旦扮精衛女持絲上〔攜着銀紗來到天中帝
子家自家精衛仙姑是也來此已是我天孫織女垣首

不免敲門則個敲門介小旦出開門見介呀精衛姑姑
來了來堪詫怎麼手持着幾束絲兒莫不是買絲抱布
偷吃了別家菜老旦恁胡喳進介旦見介姑母老旦天
孫這是米蚕吐就相思軋借重你織出無縫仙裳分外
佳旦接絲介承尊駕俺女孩兒應得供衣袂合且陪清

話又

旦承筐你好生收着絲兒待俺細細與姑母織成了
便是小旦曉得叔絲介老旦生受你了小旦姑姑俺
說你今日到來是邀我星主遊白玉樓去若是這些

小事何不叫承筐替你拿來要你老人家自己携着
〔老旦〕這個何妨〔旦〕承筐你還敢想去遊白玉樓麼〔老
旦〕若不是承筐提起俺也就忘記了天孫那白玉樓
到是不可不遊的〔旦〕有甚美景可人遊玩也〔老旦〕那
白玉樓當初是碧霄洞府之山如今憑空鑿成樓閣
真個是天中第一勝境哩

解醒歌
〔解三醒〕展巍巍層巒叠架碧閃閃飛閣流霞毫
光倒映銀河瀉羣仙會勝嘖跏昨日玉旨下來那些仙
客仙女們一個盈盈灣灣月把蛾兒畫一個淡淡飄雲着

荔子紗天孫你若肯去老身情愿陪伴〔排歌〕旦你尊人
命誰敢譁俺脚踪嬾步口應他不旦娘行性喬作衙你
心苗早動語還嗒

旦蠢丫頭誰個要你去來老旦少不得要帶他跟去
明日老身特來奉約你須索早早梳洗則個旦曉得
尾聲老旦步瓊樓添風雅旦恐有個白玉人人賽殺他
小旦俺守着長宵似捱了一夏

老旦慾海難填未可航
小旦玉樓遙望高如許

旦遊絲裊斷人腸
合不啻凡情寄路傍

集賢圖

卷一

九

集賢圖

第四齣 樓宴

點絳唇生扮上輔上冢相擎天淨扮上衛上元戎徹殿
末扮文曲上風雲狀外扮武曲上鵬龍交仗一溜溜把
爐煙傍

生玉樓高柱洞霄中淨少室仙人御曉風末自有文
笥輝紫軸外應須武庫壯旻穹生俺乃玉清三洞大
總章上輔星君是也淨俺乃玉清三洞大都護上衛
將軍是也末俺乃掌管三洞秩禮文昌司祿是也外
俺乃掌管三洞兵戎武曲司馬是也合列位老星長

請了白玉樓落成天帝傳旨車駕遊幸樓中兼召內
府諸臣恩賜筵宴俺們須索在此紫微垣外伺候則
個丙响鞭鳴鍾介你聽鍾鳴鞭靜玉駕早已視朝也
前腔換頭小生扮天皇大帝旦小旦扮宮女雜扮羽林
軍擁上一炷真元孕就了羅天相瓊樓壯省災觀象渾
不似閑遊往

衆朝參介小生扇大乾清鎮玉甌巍巍高出紫霄頭
落成自有天工巧不似人間作怨樓朕乃天皇大帝
是也太極乘乾六元繼泰喜得天間良止人世離明

此間天柱之北有一座碧霄洞府之山上瞰清虛下
臨濁界朕命衆仙鑿闢高樓賜名白玉內侍們傳諭
羽林軍可早排玉駕朕率文武星官臨幸白玉樓去
者〔雜〕領王旨〔傳旨介〕小生上輦介〔衆隨行介〕

〔入聲〕〔甘州合〕仙車列錦幢聽和鸞鳴鳳肅肅鏘鏘河間
花草誠歡忭禮拜天皇〔雜〕臣啓奏玉駕已到洞府山了

山路崎嶇六龍難進備有行輦請天皇臨御〔小生〕知道
了〔更輦介〕峇峇鬱葱佳氣揚盼萬里長空接碧荒〔合〕光
茫遍樓臺雪布銀裝

〔雜〕臣啓奏玉駕已至紫霄行殿伏候勅旨臨幸白玉樓〔小生〕傳諭羽林軍停蹕〔內侍傳旨介〕小生下輦介果然好一座樓臺也諸卿可與朕散步登臨以觀勝槩者〔衆〕聖壽無疆〔仝登樓介〕

〔前腔〕換頭〔合〕堂皇遍三清瞰九荒〔望東介〕其東摩烏兔布練拳霜〔望南介〕山迎達曙南則紫氣蒼蒼〔望西介〕清飛玉闕空梵王〔望北介〕看極轉天樞壓海桑〔合前〕

〔小生〕遊覽已畢〔內侍們〕可安排排玉宴朕與諸卿同慶賀者〔雜〕領玉旨〔內奏樂排宴介〕衆謝恩進酒介

解三醒合列天筵厨龍庖象進天酒玉液瓊漿這天樓
陡削乾坤相似十千界盡包藏外末進酒介俺這里真
元甲拆生玉堂怎比那石火丁奇灾建章合同慶賞似
上清一宴下界三桑

前腔換頭捧金盤料不消承露掌御金闕又何須架栢
梁雖然是仙家雅好樓居仗擎芥粒斲琳瑯生淨進酒
介俺這里星臺輾轉天未央怎比那斗拱浮沉人自量

合前

內奏樂介小生玉樓清宴無事繁聲內侍們可傳諭

鈞天樂司霓裳舞女暫行停止者雜傳旨介小生白
玉樓成允稱佳麗朕與諸卿遊宴之暇各賡一歌無
虛勝會且再俟十劫之後還當宏闢莊嚴其玉樓之
紀或可召一塵世才子爲之衆天帝毓一元之清恩
臣社六輪之濁敢言附鳳矣冀續貂小生卿等俱不
必謙遜待朕先歌一闕諸卿其其賡之衆聖壽無疆

小生作歌起舞介

鴛鴦滿渡船步玉樓兮凌萬丈與子遊兮在帝鄉
紉白雲兮袞裳又喬撐碧落柱蒼黃歌風起兮爽爽童金篆

女玉裝天有情兮天亦殤
咲乾坤一草莽恁青冥杳杳
紅塵滾滾賴之子兮共奠鰲疆

生玉清三洞大總章臣上輔淨玉清三洞大都護臣
上衛合謹稽手頓首颺言曰

前腔侍宸遊兮披俊爽星拱朝兮日拜颺
豎靈臺兮一方又朝旋太白暮勾黃
雕檣射兮朗朗之罟路浩劫方
笠大羅天塵柄降咲乾坤一草莽
恁青冥杳杳紅塵滾滾歌帝力兮永奠鰲疆

末三洞掌管秩禮司臣文昌外三洞掌管兵戎司臣

武曲〔合〕謹稽首頓首颺言曰

〔前腔〕陪御筵兮恩浩蕩月有聲兮雲有芳醉醲醑兮露
〔又〕杯浮北海箸南蒼嘆蟬蛸漸兮無恙三萬日六千
場止滴天間半酒漿咲乾坤一草莽恁青冥杳杳紅塵
滾滾歌帝力兮永奠鰲疆

〔小生〕予唱女和互責其難玉樓之遊洵至樂矣朕前
日頒有勅旨賜星客仙妃大遊五日卿可曾布告中
外咸使聞知麼〔外〕臣謹奉玉旨已牒北斗喉舌司傳
諭中外一體遵行了

前腔〔合〕舞娑羅諧咏唱律叶南宮呂應商恁變變粉粧
又把十州數島視培岡看仙家幾羣來往浮河漢涉瀟
湘天也無多天景揚笑乾坤一草莽恁青冥杳杳紅塵
滾滾兀的不賴帝德臣勳

〔合〕清飛蛤蜊麗紗轉葫蘆頂一指光三輪藏不許
開來往燐飛鬼火傷〔又〕傾刻也消虛妄誰似盈盈玉洞
將雲放

〔內唱介〕奏北斗喚舌司抄出右路將軍臣蚩尤一本
奉呈玉覽〔小生〕取上來〔內侍傳奏本上介〕小生看介

玉清右路提領五方旗纛將軍臣蚩尤爲慶賀玉樓
乞賜臣等瞻禮以覲天顏以彰帝德事〔顧四臣介〕今
旗纛將軍蚩尤欲率部屬來遊白玉樓諸卿可酌議
施行〔衆〕蚩尤不道數犯天條爲帝德覆涵久矣他旣
欲瞻禮玉樓何緣復率部屬此來殊爲不軌願天帝
勿許便〔小生〕如此卿可稟一溫旨止他便了

〔尾聲〕〔合〕玉樓宴罷君臣暢看那仙客成流接碧幢則有
個不秉節的儉壬俺天間也不絕望

第五齣 緣觀

丑扮白玉樓監使上空中作樓君莫疑我爲君歌音
溟碧落之玄機葫蘆遮莫雙瓢判先天後天一孔飛
清者騰騰濁者埽中有甕虫剝碩果茅屋土營次逝
開珠陵翠閣須臾羸巢有青鷄埽有蠃天上能無合
歡殿萊岫瑤池作兩廊斗南極北排雙扇玉關瀑出
是黃庭不用無根榘楠杞梓之幹楨君不見天中長
生復長樂咲口難逢人世情嗜家內垣侍使白玉樓
監司是也奉天皇勅旨恩賜星客仙妃大遊五日這

幾日遊仙擠雜嗜家看管好不耐煩但喜得今日是
眼滿之期那些遊玩的也覺得漸漸少了正是天間
多樂事還與萬州同

〔下〕

〔風入松慢〕生小生末全行上〔亭亭碧洞透靈霄恁華蓋
峯巖遠望玉樓好不莊嚴也這天然玉削其中妙則疑
是一鶴孤飄撲骨骨樓翻海日顛泚泚門掛江湖

〔生〕二兄咱牛九郎一生罨死泥犁倘前日不因二兄
見招安知天上有如此之勝跡乎〔小生末〕九郎俺和
你從碧霄洞左折而上可漸入佳境

〔生〕正是〔合〕掇奇

觀而探幽趣摘玉蕊以纈瓊葩全虛下丙唱介承筐
你好生扶着星主上樓也應介曉得

園林好犯老旦旦小旦全行上這一答是霜花吐天那

一答是冰牌畫橋不甫能把玉壺空焰間凝望四圍遙
咱可也向碧天低叫旦姑娘那壁廂一股白練直接着

黑漫漫的是甚麼所在老旦天孫你有所不知那是天

上銀河直與人世黃河相接凡仙衆有罪愆的便投入

河中墮落凡塵也小旦星主你聽精衛姑姑所說好不

苦哩合斷腸處玄黃關竅可知道風光自饒佳期莫拋

休等待雲飛雪消

〔小旦〕星主你看下面有一位俊仙郎閒步來也俺和你轉過西廊到那亭子上閒遊半晌〔旦〕也使得〔旦〕欲下生獨上與旦打炤面且回顧與老旦小旦全虛下〔生〕注視介俺牛九郎好不僥倖也一瞻玉樓之勝忽逢金屋之嬌樂事生愁賞心種恨俺從此臥遊離恨天矣

沉醉東風犯纔折過玉樓半腰忽打個玉人回照似這雙飛玉甚妖嬈俺虛心平較這死岑樓可人人活俏小

生末上九郎你上了玉樓便當遊賞却怎生在此沉吟
則甚生迥興而來何必問白玉樓也二兄請自閒遊不
必拘小弟罷小生末說那里話欲窮千里日更上一層
樓俺和你索遍觀者清光好看九重樓閣倒映萬傾波
濤拉生全下

月上海棠犯雜扮諸色仙客仙妃全上啣雲水豪况復

能覩天工巧分明是踞虎盤蛟敢大覷了盆盎圓嶠剛
撞破烟霞一角似這般霏霏半梢把虛虛盡挑纔分判

天清地濁全下

好姐姐犯小丑扮蚩尤差使上咱是健兒鈴旗小猱撲
跣跣把玉樓輕跳自家蚩尤將軍帳下旂卒是也奉主
將着俺賚表慶賀玉樓又密密吩咐可偵探天垣消套
俺幾日在這樓中走來走去也不見甚的來望介呀那
亭兒上到有個好女孩子也他側着瓊花亭畔俊麗
兒工致飄敢好殺嫦娥色洛妃嬌俺風風律令把他端

詳觀下

生急上俺牛九郎方纔見那仙妃真個魂消天外他
兩個好不知趣苦苦拉俺閒遊俺趣着遊仙闌攘中

抽身回轉若得他飽覩一回便摘下凡塵也甘心了
江兒水犯瞥見了多情調神魄飄俺看他盈眸點就秋
波巧遠黛粧成輕蛾角這生香真色人難學把一隊仙
妃奚落遠遠望見那來的女子正是他侍兒也咱近欲
承前禮數交問芳名慰寂寥

小旦上俺家星主好不奇怪自從轉過西廊身子裏
一時就困倦起來喜得精衛姑姑陪着他在瓊花亭
上閒坐片時俺偷個空兒且在這前後遊玩一回生

近前揖介姐姐拜揖小旦仙郎萬福生敢問姐姐適

纔隨着第二位女娘是那一個洞仙妃小旦你問他則甚

五供養犯他是香閨窈窕齋出天孫織女星標生既是

星女原來是與俺同垣小旦俺家星主尙未定偶怎麼

說與你同緣他機絲空嫋娜你傻角太蹊蹺生你家星

主可有尊人麼小旦俺家太星主呵痛刺刺紅塵一烙

生扭做參辰酉卯只有方纔同來的是俺家星主之姑

母叫做精衛姑姑生沉吟介精衛姑姑小旦他前日呵

滄州翻蜃市今日哩河漢助鮫鮪生不瞞你說俺乃河

中牛九郎才貌蓋天姐姐姐姐你好生識認一識認小旦笑
介好不知羞唱銀海汪洋那識毛曹

內叫介承筐那里去來你家星主索要回去哩小旦
呀星主就要回垣俺去也生你看那小妮子竟飄然
去了怎生發付俺也

玉交枝犯情癡無着這相思單單自招侍兒儘賣弄人
前笑不啻咱祆火樓燒心兒中吐不成俺千種苗眼兒
中想不出他三分巧啐俺牛九郎好不痴也乍見他恁
無聊狠吃敲久相逢命怎饒

〔小生末上〕散步遊來怎麼就不見了牛九郎〔見介〕呀

原來在此〔喚介〕九郎九郎〔生作不應介〕小生末高喚

〔介〕九郎〔生擡頭介〕二兄就來也〔小生末〕九郎俺看你

沒心沒緒如醉如狂方纔請教數聲你也總不答應

哦我知道了想是錯怪小弟適間失陪伴哩〔生〕說那

里話小弟有事關心遂爾失顧〔小生末〕九郎你有什

麼心事可對俺道來〔生〕俺的心緒有非二兄所得知

也〔小生末〕九郎你又來取笑俺和你呵

〔川撥棹犯憐同調〕恁悠悠村市交雖然有密地根苗又

怕風聲洩人耳稍你可也無妨將衷情表咱爲你妙計
排雲把悶消

〔生〕實不相瞞小弟初上玉樓見一遊女真個而天而
帝爲雨爲雲儂旣神遊他仍目注俺因而偷別二兄
希圖再會不期于西廊之下剛剛遇着他的侍兒我
得詢其根由乃天帝之孫名曰織女尙未字人俺想
起來他旣未婚我亦未娶安得柯頭一伐成其石上
三生〔小生末〕這事到也費些躊躇他家旣係天親必
須尋一近幸人兒謁見貴主或可成其伉儷〔生〕俺也

曾細細問來他的萱親被謫下凡如今止有一精衛
姑姑係他姑母〔小生〕若是精衛姑姑係他姑母這事
兒就容易撮合了〔生〕王良兄可與精衛姑姑相善麼
〔小生〕小弟在凡世之時軒轅黃帝仝妃女朝謁西池
精衛車兒就是小弟御的今在天間頗有來往俺明
日與造父兄同去撮合可也有八九分指望了〔生〕若
得媼事完成小弟一生領戴不盡

〔尾聲〕這無瑕白璧付你玉人雕〔小生〕管斲就你雙星玄
〔妙末〕九郎你也辦着白玉樓中貯阿嬌

生白玉樓高散曉花

小生風生帝子削青霞

末這回莫作行雲夢

合且待藍田壁吐芽

雙
山
園

卷
一

三
一

集
會
園

第六齣 水傳

〔碧玉令〕老旦上〔玉樓遊罷雲扉掩洞門中鳥啼花艷恍
憶當年漱石往來鼓磻可可恁脣焦慈航猶慊

莫毒陽侯宅誰教浪裏行人身難再得一妄百波生
何日楊枝淨融融大塊平自家精衛姑姑是也昔爲
貴主今作仙姑從人世上轉出凡胎在烟波中乘來
仙棹始信江河最險浮名浮利多應愚下傷舟畢須
接引成慈爲筏爲橋安得齊梁進送料衛鳥思填東
海盡心焉耳人可不如鳥乎望天河透出陽關逝者

如斯吾末如之河矣這也不在話下只是前日同俺
姪女天孫遊玩玉樓真個羅天勝境無如天孫一入
洞中不情不緒低回轉展若有所思咳以他兩世沉
凡綫綫一息怎得個福慧星郎與他配合纔完得俺
的心願也

少年遊前小生末上爲問水蟾肯搗藥與星郎申欠

來此已是精衛姑姑仙島不免竟入見介老旦甚風
吹送到煙霞小生借問河中帝子家末須信有書傳
柳葉合莫教無韻笑桃花老旦看坐介王造二位星

官辱臨敝島有何見諭小生一慕玄談再干米語故
茲輕造仰賴圓成老旦甚事呢小生末容訴

賽觀音爲牛郎把星垣斂欲成就雙雙繡鸚聞得姑姑
有姪女天孫呵他工容德賽觀音光焰喜見蓮花並頭
簽

老旦二位星官所說的牛郎可就是北路經星牽牛
小生末正是老旦他才貌整齊正好與俺家天孫
匹配也

人月圓他名姓顯河北光流琰似俺的天孫河東婺造

奇緣作合無瑕玷喜月老把婚媾書細檢須留驗管教
叶人月圓鳳凰占

俺姪女親闡旣背老身可以主婚但不識牛郎怎生
知俺天孫便煩二位星官作伐也〔小生末〕實不相瞞
他前日在玉樓呵

〔長壽仙〕偶然得覘個裏緒掂掂就中意恹恹遙擬天眷
〔玉鏡臺〕老旦無端作合玉樓可是良媒郎和女丽全
〔兼合〕問佳期星下占須記長壽仙主婚簿注就雙雙的
雨雲甜

老旦待俺去與天孫說知便卜擇良辰好來合璧小


生末恭候仙音起別介

小生油壁香車玉苑東

末誰家年少驟青驄

老旦枝頭好鳥傳花訊

合角韻絲桐夜月中



第七齣

機合

〔遶池遊〕〔旦上〕遊絲廝透剪斷絲長奏便絲去不堪回首
倦擲金梭愁拋文綉問招魂在迢迢玉樓

東萊有柯以琢以磨不析其薪傷如之何西池有桃
其葉天天不實其華式憂用樵俺織女自從玉樓遊
後不覺神思飛越花悠悠其獻恨風飄飄而鼓魂細
想起來乾坤好合暮轉朝旋日月多情望離朔合俗
言仙人無婦玉女無夫有是理乎俺前日在白玉樓
中見多少仙女們或攜手同遊或聯裳載笑鳩羣易

字鸞侶難儔教俺怎生不妻其也

香遍滿孤貞天漏咱幾回捫心心不由只合星星長自
守前日在碧霄洞口瞥見一仙郎呵珊珊溫且柔風生
別樣幽他也只是一人獨行他山着肩韻少酬咱波着
眼情多逗

〔小旦〕仙人有意乘黃鶴玉女無心嫁白鸞〔見介〕星主
你這幾日倦思慊慊不嘖不笑爲甚的來〔旦〕承筐俺
整日悶坐無聊怎生開得笑口也〔小旦〕俺到有一樁
事兒說起來正好取笑〔旦〕甚事呢〔小旦〕就是那日遊

白玉樓在碧霄洞口遇見穿犁黃衫子的那位仙郎
後來掩在碧花亭下剛剛又遇着他那位仙郎端端
正正在承筐跟前唱個大偈旦他與你素未謀面怎
生便唱起偈來小旦星主你那里知道他的意見

嬾畫眉他曲曲恭恭打方周有姐姐聲聲探故由旦問
你甚的小旦他問星主呵是誰家妃眷恁嬌柔旦可道
出我的名字來麼小旦咱憐他九分誠意三分縶直點
個芳名粥與愁

旦承筐你可曾問他的姓名來小旦俺到不曾問他

那酸丁志氣昂昂朝着俺說道似俺才貌無雙的牛
九郎叫俺好生識認旦你後來怎生回他小旦後來
被俺搶白他幾句旦蠢丫頭他好生生你怎的就搶
白起來小旦星主閒話休提前日精衛姑姑送着那
幾束冰絲你也該替他織起來旦俺如今那里有心
情理織也只是精衛姑姆面上不好意思承筐你可
拂整機床待俺織就則個小旦久已拂整了星主你
可揀上一絕新花樣承筐爲你細細攀出便了旦織

機小旦攀花介

梧桐打五更 梧桐樹 旦 俺織不出比翼鳩 織不出雙棲
藕只合織孤鴈 憐雲泪濕蘆花透 小旦 星主絲亂了 旦
理絲介 甚飛絲繞亂難重扣 倒拋梭介 小旦 梭兒又倒
擲哩 旦 却認得金梭怎倒投 五更轉 小旦 星主敢支磯
未遂你情中 穀既不從心 如何合手

老旦上 無妙方先炁有 立即後天不是通關者 安能
締紗玄 昨日王良造父到俺洞中說牛九郎欲求俺
織女天孫爲配 俺想他兩人才貌恰也相當 今特來
撮合俺天孫成其媾 眷此間是他垣首不免竟入見

介天孫你終日勤勞織機今日却撥動了機緣也旦
姑姆到來俺方才爲姑母織成文錦只是女紅粗陋
有玷冰蚕老旦看介真個匠意精工叨光泥夔天孫
俺却没有甚物兒謝你到有一樁美事與你相商你
却不要推辭纔是旦姑母有命安敢推辭老旦天孫
你雙親見謫親近無人靜守幽垣安能鬱鬱獨居于
此俺爲你尋下一位郎君成其媿眷却不姑負你韶
華也旦低頭不語介小旦姑姑你爲俺星主所說的
郎君是甚樣人兒

浣溪紗〔老旦〕他風韻幽家世舊貌魁梧鶴媚鸞謳他位
列經星又且居于河內他六星好和你三星偶看河水
長交漢水流〔小旦〕姑姑那星君姓甚名誰〔老旦〕真輻輳
說起那芳名兒振天中你可知駢角牽牛

〔小旦〕姑姑那牽牛星君可就是牛九郎麼〔老旦〕他星
派正是行九〔小旦〕委實是牛九郎姑姑你這親事主
得不差

劉揆帽俺見他情兒軟款龐兒厚內才兒端的搜搜把
鼻繩打定連環扣兩地綢繆成就個天長久

〔老旦〕承筐你可曾見過牛九郎麼〔小旦〕俺前日在白
玉樓偏你遇見他一遭〔老旦〕是了昨日王良造父來
說姍事道牛九郎在碧霄洞口曾會見天孫〔旦〕羞人
荅荅俺何曾遇見他來〔嘆介〕姑母自從俺天親謫凡
之後呵

〔秋夜月〕俺星夜遊照不出天親竇便掘地逢泉難重覩
心中作念誰知否痛察察在酉忍生生會丑


〔老旦〕難得你一片孝心只是事到如今也提不起了

〔東歐令〕你宜家咏合歡酬是則名爲孝順周便生天拔

地也只爲陰陽媾不撐達你言荒謬敢垣中少女不知
愁可也上瓊樓

〔旦〕咱也不能自主一任姑母主張罷〔老旦〕天孫似你
這樣說敢是允了待俺擇下良辰與你主婚便是

金蓮子〔小旦〕星主你巴不得到頭心兒癢癢還強口打
蚤個綾綃兒絮收試看玉犁尖雙雙角破你茜紅綉
尾聲〔老旦〕美姻緣雙星晝〔小旦〕莫喬道褊小天垣愛一
牛〔旦〕咱則是一片冰心在玉樓



第八齣 旂現

〔北中呂粉蝶兒〕〔淨扮蚩尤衆旂卒擁行上〕鼻祖梟雄咱
可也鼻祖梟雄出落的人天奸種賤綿綿子姓承宗握
迷雲飛淖雨一霎時旂旗埋日氣魄吞虹失東隅在涿
鹿頭一憤

闢手開旂掩大墳手麾白羽失軒轅人間亦有能繩
武笑殺兒孫是犬豚啣家右路大將軍蚩尤是也名
爲旂領實乃旄頭橫槊猶豪反戈未遂聞得天皇老
子鑿建玉樓咱已差出健兒前往天闕佯稱慶賀密

使偵探若得標赤幟以成功便可裂黃袍而加體又
喜得石尤夫人爲咱內相變風雲於腕下掀波浪於
唇間今日咱家來此訓練旂軍你聽一路風聲俺夫
人早則觀陣來也

南泣顏回〔丑扮石尤雜女使帶葫蘆擁行上〕萬竅吼長
空傾刻山搖江湧終風且暴吹涼無數行踪葫蘆撥轉
我心匪石敢虛虛送冷颼颼藏着颼母熱騰騰蘸了虫
公

〔見介〕將軍萬福〔淨〕咱介胄在身未得遠迎望乞夫人

恕罪〔丑〕閨房之內我爲尊都闔之前君爲長今日之
事請將軍登壇發號施令以便訓練三軍者〔淨〕如此
咱家與夫人同列公座便了〔同丑〕登壇並坐介〔大小
三軍聽咱號令一而心齊而力耳聽金鼓目視旌旂
左右前後中須混沌而不可亂方圓曲直銳當變化
而不可窺有不如令者以軍法從事〔衆〕得令〔衆〕列陣

介

北石榴花〔咱〕八門旂簇一元籠早則是二五幟居中兀
的有陰陽奇偶牝牡雌雄雲飛朱雀浪起青龍俺只見

變生生又打方旋橫把東南動白虎西翻玄龜北重俺
只見化冥冥又折沒煞慘把神威控哨勾陳燾坐握機
鋒

丑奇哉陣也但戰攻之法已修而守禦之方當備君
能興三里之霧咱能旋百里之風霧起風回敵人莫
測今日駐營築壘也須操演一番淨這須請夫人號
令者丑大小三軍聽咱號令各畫表安營不許擅離
隊伍如違以軍法從事衆得令安營介丑侍女們打
開葫蘆須回風旋霧者各女使走陣呼風使霧介

北開鶴鶉合放一線廣莫團煙又端的把北廂塵縱轉
一線聞闐摩雲又端的把西盤墨壅還有那景連明庶
徹南東馬嘶嚎班聲闐霧沉沉四面齊飛又石兒般五
營高鞏

淨妙妙如此固營堅壁真個形人而我無形也進可
以攻退可以守看那座紫微垣輕輕送在俺掌中了

丑只怕又有指南車那時教咱沒投奔也淨今日演
武吉事夫人休出此不利之言丑將軍你素蓄雄心
欲圖大業須詳地利方叶人謀喏家親率領女軍前

往清導一面可以遍觀形勢一面可以接應健兒將
軍你意下如何淨若得夫人此行何愁大業不成乎
倘日後俺蚩尤有天帝之分便請夫人垂簾聽政者
大小三軍起營送夫人前行者衆得令衆起行介

北上小樓合展五方似金環駐千軍如鐵桶密匝匝旂
旂森嚴又電掣星馳雷轟石迸黑魃魃壁壘方圓又
地暗天昏神號鬼痛這纔是你兵家而翁

南尾奏金鏡歌聲動不負當年劊甲戎還仗你娘子軍
神作用

第九齣 贈奩

香柳娘小丑扮馬夫牽馬上問天孫繪圖又綉成鴛侶
于歸言抹嘶風兔笑微微美駒又軟弱不堪追停鞭探
花路展吟吟氣舒又好惜痛瘖驚蹶鼻

自家造父星官垣中一個馬夫叫做馬四哥便是聞
得天孫下嫁牛郎俺家主入着俺送馬四匹以表錯
薪之敬俺一路快快趕來這馬兒走得渴了不免牽
在河邊飲水一回有何不可作牽馬飲水介

前腔淨扮車夫推車上問天孫繪圖又綉成鴛侶于歸

言抹清香輅笑盈盈玉輿又熊頰兩方扶鹿輪一圓貯
活津津轄蘇又莫逐馳驅應憐僵仆

自家王良星官垣中一個車夫叫做車一哥便是聞
得天孫下嫁牛郎俺家主人着俺送車四輛以寄江
漢之思望介那河邊飲馬的像是造父星官垣中馬
四哥不免近前叫他一聲叫介哥你嗑得太快活了
小丑原來是車一哥這亡人偏你在此小飲你若不
嫌棄時節就同他嗑兩盃何如爭你吃你吃我這車
兒是不開口的小丑你口便不開那肚子下却轉得

更快哩（淨）不要取笑哥你捨這馬兒往那里去（小丑）
甚麼天孫下嫁一個小牯牛俺家主兒叫俺送這幾
匹馬替他幫襯一幫襯（淨）俺這幾輛車兒也是俺主
兒送他的俺和你一路同行到也落得熱鬧（小丑）織
女嫁牽牛是一個絕好題目俺和你就把這車兒馬
兒托物比興撰一個時新小曲（淨）俺不過曉得打幾
句山歌若說到小曲上面那里胡搗得出來（小丑）哥
你還不知如今那打油的碎奴才填的新詞俱是撮
湊成篇到不如俺和你句句都從心肺上流出來的

〔淨〕也罷你就先唱個曲兒俺和韻便了

清江引〔小丑〕看嫩滑胭脂如剝兔乍貼仙郎袴一個泉
喂玉液漿一個汗灑紅霏雨似這樣美風情量大小馬
兒那能乘得住

前腔〔淨〕看細膩香輪如切玉悄把仙郎覆一個輕推禿
子驢一個漸輾紅娘戶似這樣美風情量大小車兒那
能載得去

〔小丑〕哥俺和你在此擔閣了許久快趲行幾步送到
地垣中討些賞賜回來與你閒嗑閒嗑〔淨〕說得有理

趙行介

一車轆一輪

一馬跨一鞍

車馬驟馳驅

月明照團團

雙身圖

卷一

三

雙身圖

第十齣 星迎

〔老旦上〕花不因春載咲月非爲望成圓料得靈機轉
紐合來惹翅蹁躑俺精衛仙真爲織女天孫主成姻
譜今日良辰牛九郎早辦鑾輿特來親迎俺想天孫
垣內無人少不得要走一遭也休言饒婦舌強半是

婆心虛下

〔行香子〕〔旦淡粧上〕絲淨無塵河洗如銀合歡衾怕惹尤
雲〔小旦上〕蚕娥將媾喜趁良辰〔合〕恁心款款情彤彤色
臻臻

一半兒旦星樓靜鎖碧紗厨被裏鴛鴦幾慣書報道

廣寒起玉蛛整雲裙一半兒紈羅一半兒素小旦星

主你花枝綉得太清踈蛺蝶生生自強扶料得金鍼

透體甦怎枝梧一半兒狂風一半兒雨旦承筐俺和

你伴影多時雙飛誰念今日之事原是精衛姑姑主

持的俺也只得依他便了小旦星主你這話兒休要

對俺承筐說罷那主親的到也不是精衛姑姑却要

謝俺白玉樓中相會的姐姐旦不語介小旦如今鴈

幣已將犢車將至星主你還不整理花粧是甚的意

見旦嘆介咳承筐呵

漁家傲 咱回溯難將淚雨吞亭亭的昔日天孫而今庶
門你看尋常靜好誰相問便輕粧也褪小旦星主俺却
猜着了你的意見哩才羞澁淡了霓粧着疼熱添些麝
薰好一似含笑芙蓉色轉芬

老旦上畊出天田雙璧合綉成銀漢兩鸚飛見介天

孫恭喜旦姑母作欲謝又止介小旦姑姑俺家星主

要拜謝你却又羞澁澁出不得口待俺拜你幾拜替
星主作謝罷作咲拜稱謝介老旦承筐你還恁的頑

夏牛九郎久備下雲輿將次親迎來了你快請星主
進香閣中整理粧奩纔是〔小旦〕俺方纔也說過了姑
姑你看俺家星主還在這里扭捏哩〔老旦〕天孫俺和
你進香閣中看你梳洗去也〔全小旦挽旦下〕雜推香
輿生盛服騎馬小生末騎馬全上

〔剔銀燈〕合今宵價把銀根合軫今宵價把玉樓情印列
星橋照上了河中郡燃火樹衝開花訊雜已到天孫垣
首了〔小生末下馬進介〕老旦出迎介見介〔小生末〕天孫
下降深賴主盟〔老旦〕蘿卉高攀荷奉執斧〔小生末〕牛九

郎在垣外恭迎專候天孫乘輿也老旦知道了雜推車
進介內奏樂介老旦進全小旦扶旦上坐輿介生下馬
行禮封轎介小生末與老旦作別介生小生末各上馬
轉行介香筠飄來風韻甫能設促金烏轉身全下

老旦朝轎門祝旦介天孫自爾歸只載玄載黃淑慎
其思敬彼筐篚俺改日來賀你也下旦乘輿小旦乘
小輿雜扮侍從隨行介

攤破地錦花衆女娘軍列就了鴛鴦陣一隊隊陳百忙
里戰馬駢駢他計擺了蟾蜍那套就了猢猻止金闈還

刻日鬪黃昏雜扮侍女奏樂持燈迎上合行介

麻婆子衆我郎我郎多風雅才雄體較溫之子之子多
嬌嬈絲柔色不羣今夜哩嗚嗚嚙嚙吐香津這幽香美
滿足銷魂天上雙星番人世百年春

生華服上朝鬼門揖旦下

第十一齣 羣戲

倒拖船淨付扮二小牧童上郎君影着蟾光喘蟾光喘
娘行染就猩紅絹猩紅絹那紙條夜夜交書戰似蜘蛛兒
價打的纏綿狝兒般閉的盤旋還咲他早路上倒拖船

〔合〕自家牛星主垣中兩個小牧童是也俺星君自與
天孫配合之後真個半晌難離不是濺濺而行便是
舐舐而語俺們如今喜得無人拘管不免閃入桑園
中等那些雛兒們出來與他耍子一會有何不可正
是因過桑畔逢鶯語竊往雲間遇鶴媒〔虛下〕

〔三棒鼓〕老旦小丑扮二女使提筐上〔好風吹出綉花天
看一抹玉煖生煙也一晌眠小犀兒弄田小蚕兒吐繭
忒厠纏而今領畧良緣也在桃花洞邊〕又

〔爭付〕跳出抱老旦小丑介〔我的心肝〕老旦小丑〔啐你
兩個小鬼頭不去牧牛來我桑園中頑耍俺去告訴

星君鞭你們下截來〕〔爭付〕乖乖你若與了我們下截

便鞭死了我我也是甘心的〕老旦小丑背介〔這兩個

小奴才說話到也削薄俺不免哄他一哄〕轉介〔我的

親哥俺們有一樁事要央免你〕〔爭付〕我的親姐姐甚

事兒咱落得在你們面上獻些慇懃〔老旦小丑〕如今
頭蚕出了要些不落地的桑葉去飼他俺們上面去
採求你把衫衾替俺兜下你兩個把雙眼睛死死要
朝着上面動也不許一動〔付淨〕曉得了一動便不在
裏面了〔老旦小丑〕上採桑淨付眼望作兜介

〔鴈兒舞〕〔老旦小丑〕採彼柔柔不勝一剪狂童狂也且敢
占來娘面俺將將枯屑撒的圓咱的桑葉就吊下來也
你們把眼睛好生瞧着叫他每生生把眼兒眩

〔作撒屑掩淨付眼淨付擦眼〕介〔瓦刺姑〕你把木屑

掩了俺的眼兒俺哭也作倒地哭介老旦小丑小鬼

頭還不起來那管你的頭兒天田哥來了俺且回避

則個虛下丑上芻蕘朝不飼犁竿夜翻耕呀這些小

孩子們那里去了叫介小孩子們那里淨付來了丑

你們不用心牧牛敢在這桑園頑耍麼淨付並不曾

頑耍俺們方纔見桑園內這些草青脆脆的打起來

作個夜間的草料丑這也罷了目今犧牛將貢倘若

有些瘦病你們一個個都是要滾人濁河底去哩上

淨付我的查盤的去了姐姐你快出來也老旦小丑

喜得你兩個的眼睛還不會瞎〔淨付〕你也要得俺人
很〔老旦小丑〕誰叫你們兩副口皮兒恁般尖酸〔淨付〕
這也罷了姐姐你不要怪俺說你們終日織機那兩
隻俏腿兒多管是麻酥酥的怎比俺騎着牛兒行行
止止又快活又沒有閃失〔老旦小丑〕騎着這全牛兒
有甚麼快活在那里〔淨付〕你不信請騎請騎〔淨扶老
旦付扶小丑各上牛介〕

〔率地錦襠〕〔淨付〕這牯牛苟合了小蚰蜒牝子粘腰脚插
肩〔鞭牛牛途介〕乘風突觸痛加鞭〔老旦小丑〕跌下付〔淨

咲介你看他率地錦襠朝上天

〔老旦〕小丑仰地介〔哎〕啣跌折了人也〔淨付〕你看桑林

中隱隱像是承筐姐來了俺也須索回避者〔虛下〕小

〔旦上〕機絲空作鞞桑葉更供牛〔見介〕哇你兩個小妮

子爲何跌倒在此〔老旦〕小丑起見介〔原來是承筐姑

姑來了俺們方纔採桑被一掛枯藤絆跌下來了〔小

旦〕桑樹還在那邊怎麼反跌倒在這里〔老旦〕小丑是

是是是一陣狂風吹過來也〔小旦〕胡說分明是你兩

個在此頑耍俺去說與星主打折你們脚跟哩〔下老

旦小丑 啐好一個喬家主婆動不動便要下俺們的
火誰怕你來淨付上朝老旦小丑唱喏介方才小子
多多得罪老旦小丑這頑皮你還在這裡老臉淨付
姐姐你也不要動氣俺和你講一個和罷老旦小丑
講甚麼和淨付俺和你在此閒耍了許久差不多也
要回去俺唱個扣角歌陪禮你也要和些下韻纔是
老旦小丑這到使得同唱介

角歌三疊合 一鞭殘角瑞雲饒呀更跣遍荒徑蕭蕭看
陰晴變幻更跣遍荒徑蕭蕭看陰晴參伍更跣遍荒徑

蕭蕭看陰晴草色嬌卿休笑逢人三弄蘆花笛吹寒殘
月帝子王孫呆打俏卿休笑逢人三弄蘆花笛吹醒夢
泡塵屑茫茫那知沃火焦卿休笑逢人三弄蘆花笛塵
屑茫茫那知沃火焦

〔全〕
〔下〕

第十二齣

情戀

月兒高小旦上好夢天難鎖俏星靈一痕破成就了雙
雙你只剩得虛虛我恁的連枝結出同心果他風聲刮
也梭俺耳頭強包裹

情種耽痴痴魔溺情撇却痴情天人太平俺承筐爲
何說這兩句話只因俺家星主自諧伉儷着意綢繆
夜睡連身日行合影竟把女紅牧地兩下拋荒俺昨
偶步桑園見那些機女們謔浪嘻嘻不成體統後來
天田哥兒又對俺說目下郊祀屆期犧牛將貢如今

上供的五羣純角俱個個瘦病下來了他近來又容易不得見星君一面托俺替他轉說一聲俺想犧牲不盛立黃不備這罪名可是擔得起的俺且去料理機房待他兩口兒出來不免細說一番莫咲塵中蟻請觀月裏蟾虛下

前腔生旦仝攜手上剛恰恰纔勾臥撲哈哈忒輕可煞愛衾兒軟疊就人雙個則爲金鷄叫的天來大靈犀透情窩絲絲敢燭破

生漢之廣兮比目飛攜佳人兮步遲遲我歌天籟兮

卿舞霓(旦)願得雙飛共一棲願得雙棲遠如期君合
儂身儂化伊(生)天孫俺自從天樓邂逅便種連根星
舍團圓喜生並蒂似玉兔叨光于皓魄若木猴竊寵
于金精教俺怎不愛殺你也

桂枝香(你)幽絲忒娜絢容無那色中款揉拽維伊情中
緒絃纏着我咲風生綉窩(又)敢飛來絨唾便香生蓮座
試摩杪巧活機中鳳簪生篋上蛾

(旦)九郎似你資才雄渾情性溫沉真天地之儲精信
山川而不舍咱得奉侍筐篋畢生之願足矣

前腔你香泥脚笙風流肩馱嬾媿咱宮樣難描羨殺你
角聲難和敢匪饑匪渴又向花裯一卧咱蘿衣牽破問
如何芳草王孫供青霞吉士簑

不是路小旦上厭煞挪搓縱燕爾多情不似他見介星
主你這一期不出垣中那些機女每閒遊惰把玉機坊
變做耍毬窩星君就是天田哥兒也對俺說那上供的
犧牲一個個都瘦病下來了恁蹉跎敢求芻與牧無人
荷抑亦傍觀視死呵今日便請星君星主各去巡視一
番休遲坐而今天闕將禋祿非同小可又

〔生〕俺這些時與星主心兒裏都有些不耐煩起來那
外面事可吩咐天田用心照管承筐你便去機房中
督率那些妮子且過幾日俺同星主各去巡察便了
〔小旦〕曉得止將狎比供私愛不顧荒淫犯衆論〔下旦〕
九郎俺和你情愛方殷事機復絆那能彀散閒日子
徹底歡娛也〔生〕自有他兩人料理天孫俺和你同登
香閣消遣一回多少是好〔旦〕使得〔全登介〕〔生〕天孫看
那一線天津清波曲瀉好不有情也

長拍淡淡清漪又泔泔漢水纔得渡敢行輕過山濤拍

雙星圖
卷一
旦
集會圖
愁烟波圖畫點不出慾海情河就裏木蘭過好牢牢持
定一竿鐵舵覩片葉浮沉恁與我喜風靜矣不揚波聽
來往櫓聲搖簸似銀瓶志志玉液滂沱

〔旦〕會合歡娛人須自領陰霾缺陷天亦難期九郎俺
和你兩意相投不識長有此濃聚之日乎〔淚介〕生說
那里話天孫俺每天上真形那比人間幻影呀你怎
生撲漱漱吊下淚來也〔攜袖與旦拭泪介〕旦嘆介九
郎你那里知道咱的心兒

短拍半點靈明又一絲天竅照團團才識娑羅雖然會

裏兩光摩騫忽地星星着火願得長生長好咱共你灼
灼繞天阿

尾聲生咱太牢供禮你天孫座旦腳跟線休教剪挫合
問做美的水蟾會上麼

生幻色真情不並行

旦色絲抵死箇情生

合世間只是貪汚色

那似天星徹底情

雙身圖

卷一

四

集會圖

第十三齣

糾離

夜行船末朝衣上漢錦天犀修五祀雙星洽曠職如斯
外朝衣上野路鴉鴉竊生偵視合且回值恭奉玉旨

末自家秩禮司文昌星君是也外自家兵戎司武曲

星君是也轉見禮介外老秋宗今日俯奏玉階所陳

何事末天郊盛典歷劫始行凡一切錦綉犧牲例皆

取給于牽牛織女他兩人溺耽婚媾怠棄官常而今

祀典屆期俺已牒版頻催殊無供應只得具疏奏聞

以候天帝裁奪外這是大典攸關合應降謫纔是末

今日老兵戎有甚軍情特申密奏外老秩宗有所不知那蚩尤猾賊前日差使賫表慶賀玉樓溫旨久下誰知鴟使潛匿天垣已經數月聞得他將內外形勝寫入輿圖逆志已彰敢不陳奏末蚩尤包藏禍心殆非一日今日之事當善計剪除否則恐爲腹心之疾了

玉井蓮後爭扮內監雜隨上遍地雌雌莫咲嚙宮男奉

音

嚙家內侍宦者星是也文武兩先兒具疏劾奏大帝

爺着喺家傳諭此間已是值房不免竟入見介末外
老公公到此有失迎接淨好說末外俺們今日所上
的疏章不識玉旨可曾下麼淨二位老先兒上的疏
章大帝爺玉筆親批就發下輔衛兩衙門知道又着
喺家來口傳天語所說牽牛織女呵

風入松那服牛貢篚是其司直恁的不供郊祀便離垣
下劫誠應爾姑薄責永分河汜密囑外耳介武先兒你
所奏蚩尤差使大帝爺着密拿付霹靂都司勘問沙恁
價鼠頭健兒拿獲了肆其屍

前腔末他遲延大亨悞盛筵論黑律應淪塵世老公公
呵怎分飛左右還供事縱恩宥何當如此死俺魃地裏
把弓兵捕茲蚩尤老賊叛跡已形還須仗老公公啓奏
天帝那綢繆計在未陰時

淨文老先兒你說遲悞祀典處分太輕你可也曉得
織女是嗒家大帝爺的嫡孫麼

急三鎗娣和姪今無嗣難道天親派不容止一娃兒
武先兒你也不須過慮

前腔他人間獍身誅死在天垣內敢再把痴心使一任

送盧生

睿家要回覆天旨去也告別了起別介

〔淨〕天顏有喜侍臣知

〔外〕願向長生說息機

〔末〕料得黃河成永別

〔合〕思君不見泪沾衣

三十一

卷一

四

樂府

第十四齣

石闕

小丑扮蚩尤差使上骨條伶星巧利刀鷄鳴狗盜實
稱豪饒他八十一子能盤筭自有三十六條可脫逃
俺乃蚩尤將軍帳下一個小健兒是也奉主將之命
着俺賚表慶賀玉樓又一面吩咐不限行期須要細
細偵探天廷消息被俺潛匿垣中整整住了半載凡
一切山河形勝宮闕盤旋俺俱打入園中以爲日後
進取之計倘得俺家主子做了三天的頭兒那旂幟
將軍的座位少不得是咱家承受了不期走透風聲

那武曲老兒發出多少羽林軍前來捕俺俺如今已
逃出天垣只恐怕還有追兵須索要潛行防避者

〔北醉花陰〕小健兒有斗大瞞天膽把半壁乾坤一矚都
描寫插褊衫出落的好雄鬣

提起那白玉樓好不莊嚴也

〔喜遷鶯〕壁崖崖把靈霄一抹蕊花峯奇削銀嵌嶄也波
嶄將星辰低探剛半折樓臺曲徑通幽望曉嵐陰晴淡
晴則火烘玉筍陰時州罩瓊岳

俺當初在玉樓中遇着一個俏雛兒喚做織女恨不

得把他飽覷一回挽下影身圖獻上將軍倒是一椿
大大的功勞待俺閉目想像且把口兒描畫者

〔出隊子〕洗新粧生生淡淡立花亭躲躲潛潛後模樣干
般畫不摺引遊仙活睜睜眼上覽內殺喊介呀聽軍聲
嚇殺了喏

那後面金鼓連天想是追趕的羽林軍來也咱不免
躲避則個〔虛下〕

〔南〕雙聲子衆扮羽林軍上魔王燈又恁魘地把天家賺
蠅頭探又恁驀地把天軍喊莫住驂又快捕勘又似盧

逐狡兔鷹啄痴鶴

〔虛下〕

〔北刮地風〕〔小丑上〕呀這禍種臨頭難悔懣也是小健兒
生平孽孰小健兒言虛識小健兒貌儘儂小健兒捏
成藍小健兒吹明作暗下場頭〔又是小健兒明鑑〕〔內鼓
風介〕〔小丑作戰介〕冷律律一陣回風慘撲刮刮吹寒着
膽前路嘶風後路塵起四面俱有天兵俺死也〔登高望
介〕升高觀似一隊魔迦掛紫衫〔咲指介〕兀的不是俺家
的旂號敢是俺石尤夫人到也〔跳下走介〕俺呵快走入

女娘軍訴二三

〔虛下〕

〔南〕雙聲子〔丑扮石尤雜扮女使佩葫蘆捧劍隨上〕雲飛
〔又〕大羅天都昏暗風聲慘紫薇垣都搖撼遍地愁〔又〕
者老男〔又〕向娘行脚上嗑個庭參

〔啗家石尤夫人是也率領女軍來觀地勢〕望介〔呀那
急忙忙跑來的像是俺家健兒〕衆〔那來的正是健兒
也〕

〔北〕四門子〔小丑上〕咱眼望旌旂許了蘸女天王昭靈感

忙走介脚兒沙遲心兒沙慳急風風難將途寸斬近靠着軍放生些膽進見叩頭介謹叩首謝夫人來揀俺

〔丑〕健兒你回來了那天垣消息可也偵探出些甚事來麼

〔北水仙子〕〔小丑〕咱咱咱駕了驂到到到紫薇垣闕精詳探怪怪怪碧霄峯將天撼那那那白玉樓生花齒樂樂樂樂君臣每宴沉酣許許許星客仙妃同遊覽畫畫畫將形勝筆毫淹恨恨恨武曲司疾發羽林監

〔丑〕可喜你將天垣形勝打有圖來這便是頭一樁功

勞了那武曲司發下羽林軍可是來捕你的麼丙殺

喊介小丑夫人你聽一路軍聲捕咱的便到也丑這

個何妨健兒你執着器械與他每廝殺咱自遣神風

魔霧來助你者小丑得令執器械介丑全女使登高

介衆羽林軍唱雙星子莫住驂云云上見介兀的不

是蚩尤差使天帝有旨召你回去小丑俺只奉將軍

令不聞天帝詔你們速速回垣休要斷送在俺手裏

衆這逃賊恁般大膽咱們一齊向前拿下者衆捉小

丑介小丑聞介衆戰小丑敗介復戰介丑不好了女

使們快呼風驅霧者雜放葫蘆作風聲霧飛介衆昏
迷高叫介列位哥你在那里亂走相撞介小丑殺介
丑健兒不要殺他放這些狗孩子回去說與天皇老
兒把一座紫薇垣雙手送與俺蚩尤將軍萬事干休
倘有些兒不順嘴便統領雄兵前來廝奪者衆咱們
知道了丑女使們放一線生門赦他回垣去罷雜得
令作收風霧介衆開眼忙奔下丑咱已震盪先聲音
教天垣伏懺女使們快起營回府好與將軍商議共
興大事者衆得令

南尾衆咲天皇久把天家站寫一紙禪讓書兒與俺看
兩尤物登時把金闕鑿

第十五齣

分影

山月照荷葉緜山月生上天際一痕青
瀼露點疎楞新荷葉花陰不動玉人行
蕭條且把丹書詠

月照東窓東人立西窓西待得月輪中
團團雙影齊
俺自上配天孫已經半運溫存愛惜轉展生溫只是
郊祀及期錦犧未備秩司屢來戒牒俺已將色羣正
角祠養將克過了這回尙有五百年散開之日庶無
蔓棘擾我連枝天孫又親視機房催督文綉蕭然獨
坐殊覺無聊不免展開丹書細玩一番多少是好看

書介

普天唳鴈聲〔普天樂〕這蠹蝕碑天之性鴈行文天之令
忒粧點有字黃庭恁空虛無言丹井〔內轉更介〕玉漏三
催天孫還不見至俺常時相見生人敬些一時不見遺人
病起望介〔鴈過聲〕盼星臺月曉盈盈〔小旦攜燈引旦上〕
〔旦〕閒情心自省無端下惹絲絲瞻似挹露洗頭爲甚櫻
〔生〕那瓊陰之下燈影篩光多是天孫回垣了俺不免
趨出迎接則個〔生出介〕天孫你好辛苦也〔旦〕九郎你
還未睡哩〔攜手緩行介〕

傾盃賞芙蓉 傾盃序換頭 趨承俺素手攜咲口盈麴予
美紗籠映天孫你看咱兩個形影呵 止介 參着肩兒不
短不長 行介 移着踪兒如送如迎 小旦閃燈介 生日各
分手隨燈介 小旦 呀你兩個影兒霎時間就分開了 旦
怒介 蠢丫頭 玉芙蓉 甚幽燐怪閃雙飛影 攜生手合影
介 小旦 又打成一個哩 旦 咲介 敢臻臻打圓一個形 生
旦 咲指影介 合 這天然勝是兩星四星 內作雞唱介 那
其間曉鷄催曙過蓬瀛

同進介 小旦掩門介 生 天色已曉俺們也不睡罷承

筐你可添着爐香俺和星主閒叙半晌〔小旦〕曉得添
香介〔老旦〕急上〔可惜星飛歡樂室多應人在恨離天
敲門介〕〔小旦〕是誰〔老旦〕承筐快開門〔生旦驚介〕這是
精衛姑姑聲音甚事兒恁早來也〔小旦〕開門老旦進
見介〕九郎天孫不好了秩禮司特上疏章叅你兩人
迷戀私情怠荒公務天帝大怒發下虎賁星使已到
牧圍將天田哥兒拿下了將次就到星垣這事兒怎
麼處也〔生旦哭介〕我的天那

刷子點漁燈〔刷子序換頭〕驀驚魂消一聲似這般解散

兩地惺惺甚長樂天垣渾都是怨府愁庭罷罷咱如今
呵山漁燈安排分離那傾則待那星墜千山甘滅性便
腸斷九迴不願醒哭倒介老旦小旦共扶介提將起不
由人泪盈嘆分飛何處半霎竹零

滴溜神仗滴溜子衆扮虎賁上風魔的又恁般欠丁天
恩的又多方鑒丙這一紙差分別并進介玉旨下據文

曲秩禮司劾奏牽牛織女狎昵閨情弁髦祀典理合降
謫凡間姑從薄處着虎賁星使拘分兩河永不許偶仍
着戴罪各供所事善哉謝恩生旦抱哭不肯謝恩介老

旦勸生旦謝恩介神仗見你好須自省且寬心待等終
有日帝垂青又

生哭介我那天孫旦哭介我那九郎

山桃紅生日痛决別身猶並眼直上人孤另星使仗你
覆奏天皇俺兩人不願分居河內若得永效于飛便打
落化生濕生道中咱也感恩無地似忘情難把長天證
無情不類痴頑况鍾情却惹了孤辰命天呵也不論土
和木只還我多情

鮑老催衆你道黃撇青孽由已作不自明恩由天造不


敬承生日這離恨路恁甫能一歛平今日哩相看恹恹
如何罄日後呵相思顛顛如何領合似船漏江心難拴
定

衆天庭玉限刻不敢違你每休得絮絮叨叨快分了
手各就職垣去者生日呀霎時間怎生生教俺就分

離也踴哭介


哭相思人去也心心還共證憐薄福更逢薄命天那好
念俺覷蘇僵眠病從今後管泪泛了天河滓

各分下



雙星圖卷下

無聲謳者編



第十六齣

填河



菊花新
老旦上
痴頑兒女兩河垂老大
乾坤一葉排纍
石砌河崖殊怪也不真爲怪

俺精衛仙真初因雙星邂逅拈成一段姻緣誰想他
眷惜綢繆拋荒天職帝加譴責離異兩河總之愛苗
必伏仇根恩樹多生怨果妻涼異地我見猶憐恹淡
相思伊情堪惜俺想起來向因舟人失繼尙啣石屑

以塞洋頭蒸當之子離弦應煉蘆灰而湮河口這幾
日在河干運石不惜辛勤俺當并力成功使他每得
早早會也運石介

尾犯序浩渺直無涯逝者如斯不舍誰來咱點石成梁
將風排浪排休猜俺憐的在愁閨怨客填的在愛河慾
海菘的在把望夫推倒俏地掃靈臺

內起風介

前腔換頭胚胎咱熱性把河埋豈料狂飈徹地差牌似
天已無情恁風神不才哈哈天不解愁人尷尬風不解

勞人歎乃誰則解將痴于我就裡可撐捱

呀隔岸來了一隊娘子軍好不克狼怕人也俺且閃
過一邊看他每往那里去者作戰栗偷視介

朱奴兒丑扮石尤帶女奴上今日裡把長途掃稽明日

裡向天垣撒蟬望介那野岸何人打個歪甫能殼石落

河灾俺石尤夫人因大凡丈夫薄倖遊浪忘歸故使廻

風阻其行色這老嫗好不知事反填石渡人也女使們

快放開風蘆吹倒這石墩者衆得令使風介合風聲湃

將長河洗開可留得虹橋在

丑全衆下老旦俺數十日功勞不想被這修羅女剎
霎時摧落了嘆介咳天孫天孫你緣分恁般慳缺也
前腔換頭非是俺出乖反弄乖多因你恩解石也解這
潑賊魔奴好異哉甚干恁使着風篩作再填河介內起
狂風閃老旦跌介將之柰料緣由不諧險些把身軀壞
似這樣風狂浪湧怎生填得河梁俺且自回歸再作
道理

尾聲縱輕刀割不斷長河帶莫認是陪錢賣買天孫終
有日石爛河枯可道白

第十七齣

河朔

三叠引旦上愁兒交與心兒帖都忘記爲誰層叠小旦
上試看木蘭舟載不去生生離別

旦委玄命于一絲兮沉黑緒以千鈞蹈水火而雙遊
兮我安復惜乎餘魂在天垣而種恨兮誰者憐其黃
昏卜旦星主不零落以爲紅兮花亦何羨乎奇新不
摧缺以爲圓兮月亦當厭乎陳陳昔者不如今兮將
洗怨而承恩旦俺織女自遭慘離以後色絲欲斷恨
片難縫已分沉淵化爲比目不期畫地活作孤囚難

得精衛姑母普惠婆心哀矜兒性拈之拈之放之摩
之欲砌天河使咱私會承筐你可曉得這幾日繫石
曾填寒裳可涉否小旦俺昨日聞得精衛姑姑拈磚
成埠拾屑爲橋不料遇一魔迦使一陣狂風俱已推
落在水中了旦天那俺織女真好薄命也一掀浪于
星官再嘶風于魔女不識咱每犯甚天譴便遭這般
零落了

鶯啼遍九宮鶯啼序這多愁強向俺晉上遮小桃紅反
引着心兒熱也月上海棠把無情天地可惜焦垓就是

那魔女呵阮郎歸他應笑我惜黃花笑我怎生撲跌俺
想九郎此時多應爲咱愁悶哩喜漁燈料睜睜兩目潮
流斜難道他是大丈夫行如今也就忘懷了鴈過聲敢
虛脾便把盟香撇紅林禽空憶說念奴嬌序西廂幽恨
侍香金童那其間印證只此些

〔小旦〕星主你從前恩愛太覺濃耽此際分離當應淡
受倘日前聽承筐愚諫也便無這般禍事了

啄木鶯啄木兒風流價不放賒款段從前消受也似他
丈夫行蹈了壟斷花牌似你玉人行忘了韞櫝周折旦

承筐這前事兒你提他怎的則香閨改出愁臺榭甚天
垣變落荒郊舍小旦星主且自寬心終以後自有團圓
的日子黃鶯兒莫傷嗟靈心若在逝水自西斜

旦承筐你還去尋見精衛姑姑問他勞瘁填河可能
毅成就哩

隔尾似莫高匪山鑿就了靈宮闕難道莫浚匪泉不可
截小旦星主呵只恐漢覆河翻空泪血

小旦虛下旦吊場咳俺織女六時種恨敢使郎知片
駒相逢少傾儂素但不識河水淺深果能填塞如今

承筐已去俺不免私步天津臨湖一回〔出行介〕
獅子序人何在途怎賒軟哈哈把弓鞋絆也來到河邊
這河水恁般浩渺呵莫不是因俺泣動了龍蛇莫不是
助咱們的泪瀉莫不是敢嫉色故興波便滔叠恁水光
天接天天爲甚的一生變水斷送人別

海變桑田端有神助俺如今拜禱水府娘娘或者憐
憫情衷把一線長河刻時消涸也未可知〔拜介〕

太平歌心香熱滿岸一星車禮拜俺慈悲親姐姐你活
不不好放轉俺離魂帖翠鬼鬼好斬斷俺愁關節碧沉

沉好填滿俺相思穴〔喜介〕你看刻時間就波平浪靜了
咳九郎九郎你直恁無情不到河邊向河神也拜禱一
回禱告你續恩爺

〔老旦小旦全上〕無可奈何傷逝水難將得已渡橫流

〔小旦〕精衛姑姑俺和你一路尋來怎麼不見俺家星

主〔老旦望介〕那河邊呆立的好似你家星主也〔小旦

正是呢〕〔近前見介〕星主老旦天孫你爲何涕泣在此

〔賞宮花老旦〕你盱盱望者臨河枉嘆嗟〔旦哭介〕我那九

郎似這樣河浪滔天那里有相逢的日子〔老旦〕天孫你

不必頻揮泪恐添了浩波叠
小旦扶旦介俺款款扶娘
歸去也便傷心對水漫饒舌

旦作不欲下老旦小旦共扶旦下介
生上山高猶可
極水深不可測顧影水中人
悄然能獨立望介呀那
行道遲遲的兀不是俺天孫也
叫介天孫天孫跨思
介他怎的不應俺一聲

降黃龍換頭
吱噠敢耳畔虛邪
內吹風介
倩有脚靈風
傳咱嬌怯似往嘗呼應
悄語低聲香吐蓮舌呀
你看他
竟飄然去了
難說便相逢
一面這緣分不帶些些
俺直

恁不早來片時也圓得一會俺如今悔悔殺鞋跟悞人
遲迭

俺若得飛渡河津趕上了他好不僥倖那時節俺兩
人呵

天勝樂他見俺泪臉堆悅俺見他苦仁仁漸啖流甘簋
又恐破題兒添上新離別便說着何能說只有兩相偎
兩下增疼熱千相訴千般轉痛嗟丙起大風介甚風狂
浪疊俺待要吸乾怨水憑河而涉

作搦裳欲渡介小生末上蚩尤搆翼禍亂兩河俺和

你作速料理車騎去也〔見介〕呀牛九郎怎生生裹裳
涉水哩〔近前挽生手介〕

〔紅衫兒〕你爲甚情兒切沒把柄將衫兒撒俺看你款樣
兒呆那性體兒迭似痴邪〔生〕二兄休得牽纏咱要趕上
天孫和他私會〔小生末笑介〕他處河東你處河北好一
似牛馬風遮怎生生厮會者九郎你道這是甚麼去處
把脚跟當面蹉跌便是紅塵那節

〔醉太平〕換頭〔生〕哽咽腸揉似屑料黃塵掩眼不過如此
迷疊咱舊愁兒久借新愁兒就裏重賒〔小生末〕休也你

能將分水駕犀車又喬做大車無軌九郎你不知道當
今呵亂生雙孽是蚩尤蠢動石尤飛爿

〔生〕他兩個和好天垣怎生叫做倡亂〔小生末〕九郎你
還在醉裏夢裏呢他前日差使慶賀玉樓誰想鴟使
潛住天垣將內外形勝寫入圖中後來透了風聲武
曲司發下羽林軍潛行捕獲不期石尤夫人領帶女
軍近前接應竟把羽林軍士殺敗回來了〔生〕可曾發
兵征勦麼〔小生末〕前日武曲司得報就發下戒牒叫
俺兩人整頓車馬前去抵應〔生〕咳國難方與俺

當竭力從公似這樣私情也提不起了
〔小生末〕九郎
這纔是咱們的本色

〔意不盡〕〔生〕爲玉樓名起蜂豺穴這合是歡喜冤業
〔小生末〕俺和你牛馬指南將他撲滅

卷之二

一

身自

第十八齣 蟲動

新木令〔淨率衆上〕旄頭點破靈虛窾包旋遶大千一半
老後兒翻個腫撲不破斗樞難豎起平安幔

喏家旂纛大將軍蚩尤是也一天之上諸天之下最
跋扈不回頭的是蚩兒弄巧覆手爲雲翻手爲雨極
悍毒廝放膽的是石母生災看來雄伏雌鳴也虧天
造地設俺前已差健兒偵探軍機今又蒙夫人察觀
地勢俺整日親操甲士嚴督糗糧只待闡政傳宣便
興大事左右遇有緊急軍情便速速報聞者〔衆〕得令

四國朝前小丑扮健兒上洒落洒落娘娘的乒乒兵兵
鐵臂腕軟落軟落爺爺的彎弓背脊酸

擊鼓介衆傳介小丑進見介大王在上小健兒叩頭

淨我兒你回來了你怎麼簇簇新新便稱起啫家大

王來小丑今日將軍創興大業權且做一個大王異
日再把大王二字安上頭兒便是逼真的天皇了淨

咲介好說我兒你到天垣可探出甚麼消息小丑垣
內空虛一攻可破只有路途險阻難以長驅淨這樣
看起來須要尋一鄉導方可進兵小丑大王不必憂

心俺已將山川形勝一一寫入輿圖大王只要按視
行師便可勢如破竹〔淨〕我兒你打的輿圖快取上來
啣看者〔小丑〕俺已獻上娘娘了〔淨〕你在那里遇見娘
娘〔小丑〕俺小徒兒若不得遇見救命的娘娘這一顆
骨碌碌頭顱多應滾落在臭濁黃河裡去也〔淨〕你這
話兒是怎麼說起〔小丑〕大王聽稟

柳絮飛那武曲司已詳端詳端發下軍士查盤查盤被
咱跳出天羅絆復窮追虎逼羊攢〔淨〕後來呢〔小丑〕後來
得遇娘娘伴風沙起他每日迷瞞

〔淨〕那千人可曾拿獲了麼〔小丑〕俺娘說得好且饒這一顆狗頭回去你們可說與天皇老子那座紫微垣好好送與俺家將軍萬事干休倘有些兒不順俺便統領雄兵登時殺向前來者〔淨〕妙妙這頭一樁利市發得爽利好不快活俺也〔小丑〕大王還有一個極快活的東西待俺小健兒慢慢說來〔淨〕我兒你說你說

〔前腔〕〔小丑〕有一個女天孫繫星官星官勝似月裏團團團團春山曲曲秋波浣乍相逢遍體麻瘦〔淨〕妙妙我兒

你可生一計捨得那天孫來與咱家作一個次妃小丑
這也不難只恐娘娘扯上鋼釘鑽把鷄頭肉剝成饅

淨如今娘娘駐扎何處可有話諭來咱家麼小丑娘
娘駕駐中山傳令大王作速起兵前來接應淨知道
了我兒難得你這兩樁絕大功勞今日誓加你闢路
大先鋒待成功之日另行封賞小丑謝大王淨左右
三軍就此起兵前往中山將一路盡行攻掠者衆得

令起行介

二犯江兒水五馬江兒水合悄不覺玄黃血燉猩猩空

自漣正風雲官闕石電衣冠打虛撈一線湍朝元令咱
陡的弄泥丸無如貪性鑽柳搖金待占了星垣朝了星
官煞烘烘不枉咱雄氣滿五馬江兒水你奮着勇虓如
虎桓閑着旅排如魚貫那上下天起兵戈是咱發端

第十九齣

避寇

步金蓮步步嬌老旦旦旦小旦全逃難上合看旆隼遙飛

把音冥蔽滿目風雲潰傷心古道碑似大塊無垠怎告

了迴避旦姑母俺血泪未乾劫灰復障今日之事請畢

命河中以清夙業老旦蚩尤造孽不久底平俺每避亂

全真自有永清之日天孫你不必直恁多愁也金蓮子

合平白地遭逢亂離好相攜同去也咱和你命爲依

老旦你看那後面逃難的山兒般擁着來也承筐你

好好跟隨星主休教衝散了小旦曉得合只因野孽

吹殘角還倩何人補不周虛下

東甌子東甌令末扮農丈人荷篠逃難上腰鼉鞏鼻龍
錘則天路也難書沒事碑便星老保不得無災燬肩半
畚這田家器那一派男女們俱急忙忙向前去了叫俺
老人家怎生走得嘉慶子纔跣踏又被脚兒欹將咳嗽
又恐賊兒知

自家農丈人星老是也逃亂到此行步艱難俺不免
向草茵之中歇息半晌就使賊兵前至也說不起了

作坐介老旦忙上介天孫天孫你那里去也叫介

六么姐兒六么令俺相隨未離怎料人稠遂爾分飛撇
得俺眼花撩亂口支頤好姐姐你懨懨病質一身何所
依那前面有一老人家在草茵中打坐不免近前借問
一聲近前問介老夾人梧葉兒你在此羈遲可見俺天
孫那去矣

末作耳背老旦高聲問介

大節綉大勝樂末俺方纔勅息盹兒隨你口喃喃說甚
的老旦借問你老人家曾見俺天孫麼末甚天尊也難
結降魔制老旦不是這般說天孫是俺家姪女兒方才

失散了問你老人家可見他在那里去〔末〕啐這姑姑你一發說熟話了〔節節高〕無根蒂賣查梨不伶俐俺偶然跌坐何曾值縱然相見何能識〔綉衣郎〕恁模糊俺知他是誰問因由那來者可追

〔下〕老旦天孫似這樣鬧攘攘教俺何處尋你也

尾聲〔嘆〕長天生久矣一亂也何年一治天孫呵只怕你涸溯從之在水濱

第二十齣 星陷

番鼓兒〔丑扮石尤領女使行上〕穴耳颺〔又〕播的乾坤戰
打磨磨氣通一線恁匹萬八千都被俺陰爐吹轉喿家
石尤娘娘是也聞俺將軍登了王位領兵前來俺且去
與他廝會者望旌旂如電在山頭近遠星速星速快加
鞭大風歌女天皇咲填

〔虛下〕旦小旦全上〔旦〕極目天難問南飛不願枝所親
失中道哀我亂離時承筐俺姑母失散誰指迷途就
在此處藏身也不索往那里去了〔小旦〕星主你聽軍

聲鼎沸逼近前來須尋個僻靜深林躲避纔是旦承
筐你且扶俺上這山崖再作區處小旦扶旦行上介
小旦星主不好了四面俱是石峯無可藏匿前係長
河後乃山峽萬一賊兵到來如何逃走旦嘆指水介
承筐這就是俺藏身之處也

漁父第一俺不向洞山題怨打疊在水中出現看漾渺
波如線應把咱一靈吊轉承筐你若瞥見俺九郎呵好
教他孤飛和影休雙戀須念俺比目翻身缺半邊小旦
星主你怎麼便說這話教承筐好不傷心也旦蠢丫頭

那人間委命如絲剪偏我天家亨萬年小旦淚介淚灑
然自歎隨恍如星眷從茲去請同下泉旦你潑殘生潑
殘生感伊留戀那人兒倩誰慰婉小旦俺如今也顧不
得星君了便蹈湯赴火只索跟隨星主前去旦承筐呵
俺平常待你非輕賤今日價託寄于卿怎遜遭小旦結
旦衣泣介咱死死生生和你打成片忍教主自沉淵

旦背介這妮子抵死牽衣倘然同俺長逝俺九郎便
沒有個近侍的人兒想介有了那壁廂是個深巖俺
不免哄他探望推將下去那時俺自赴清流便可瞑

目塵中也轉介承筐那山陰之下怪巖可避不識能
穀下去麼俺和你全行看者行介

刮地風合幽洞沉沉草吐烟可能穀避兵燹旦承筐你
近前一望方知端的小旦作望介旦推小旦滾下介承
筐已落深巖斷難奔上俺如今望別九郎以畢從前恩
愛望拜介女兒浦口今含怨望夫山石影自迷天九郎
九郎俺今日永別你可也知道否願來生再重見斷續
殘緣丙軍聲喊介聽軍聲又是奪魂雷電那河干浪涌
清且漣就此處長眠

旦一面赴水介淨一面提軍士急上介

貨郎兒淨望山頭有女婉變似南海觀音印現見旦赴

水慌介呀撲淥淥翻身投浪誰沒沒將他掇轉小丑啟

大王俺闢路先鋒願行撈救淨你若救得起來自有重

賞小丑作沒水救起介哎啣好險也若不得前日那老

嫗砌這橋墩砥柱狂瀾連俺也不知滾在何方去了淨

我兒難得你累建功勞特加五十九級仍管闢路先鋒

小丑謝大王旦作痴迷介淨看介妙妙看他如醉軟又

醉醒時可人美眷旦微嘆介淨聽他如夢展又夢醒時

受他嬌婉

旦擡頭見哭介天那俺織女直恁好苦也小丑大王
這女子原來是俺在白玉樓中所見的天孫俺說有
些面善淨可是呢小丑不差不差淨問介我的美人
可是織女天孫麼旦你是何人問俺怎的淨喏家便
是蚩尤大王爺旦哦你就是蚩尤老賊衆喝介淨軍
上們休得驚壞了喏家美人者

滴溜子旦賊潑膽又敢行肆焚天兵至又刻時撲剪哭
介俺呵舍生難隨人願多因孽債深頻頻遇災譴淨你

若不依順喏家管教你入地無門了旦已分志軀任伊
銚礮

小引丑率女使行上巨靈拳又羅刹家風坤打乾燒起
洞爐烟須教石烈天放起麻羅冑須教圓伏匾戰戰戰

衆唱介娘娘駕到淨作慌出迎接介喏家特赴宣召

反蒙娘娘玉駕前來死罪死罪丑好說見旦介呀這

女子遍體淋漓在此何事淨方才提兵到此遇着這

女子失足河中喏家體太上好生之心故喚軍士救

他起來丑怒介胡說你那里是好生之心

恁麻郎你涎着醜途路上把他捲你毛着醜威逼他沉
酒按軍律姦淫罪不淺拔劍介俺將伊頭顱骨掛展淨
哀求饒介丑收劍介那打撈的是那一個軍士衆是闢
路大先鋒丑拿近前不赦免快推出轅門正法典

雜綁小丑斬介啓娘娘呈驗首級丑可是當日健兒
麼雜是方才大王加了五十九今蒙娘娘割去首丑
怎說雜是級字歇後語丑看旦介好一個小妮子也
且將他監禁些時待俺異日收爲女伴軍士們可押
這女子囚禁漸臺發四名女軍好生看守者雜得令

押旦介旦鬼火爭吹祆火赤漸臺環築夜臺青下丙
傳鼓唱介報報報王良造父整頓軍馬將欲渡河搗
俺巢穴丑既然如此先發制人大王你可帶領軍士
抄過河北俺一面收伏河東兩路交攻紫微垣可探
囊而取淨謹領鈞旨

尾聲合移軍河北應屠殄道是河東凶亦然只恐怕棄
甲曳兵空好戰

第二十一齣

車載

〔山坡羊〕小旦泣行上〕那時鬧千千的星散彼時正三三
的同患移時撇雙雙的道途今時煞獨獨的妻惶眼星
主你情性單溯流流自瀾倘轉身受了人家產只怕沒
靈巧梅香你心也煩俺如今尋出河邊須索趕上他去
潺潺恨無端水不還趟趟沒多些人可攀

〔虛下〕

〔皂羅袍〕小生末率車騎敗走上〕無奈強徒糜爛看旌旄
掩蔽霧雨掀翻角鼓三更月吹殘漫漫夜永何時且慘

心星伴烏烏淚闌痛心辰路燐燐草斑甚劫灰障黑了
洪爐炭

〔小生〕自家王良是也〔末〕自家造父是也〔合〕俺們奉武
曲迅牒整頓車騎喜得牛九郎奮義興師扼守天壘
約俺抄過河西搗其巢穴不期攪了賊鋒車騎敗績
只得奔奏天庭請師征勦方纔爲賊兵追趕車什馬
者不免在此河干暫息則個〔坐介〕小旦泣介轉過北
山陰便是河東側水中人不知能復長相識星主星
主俺承筐非不奉你遺命上報星君只念苦海茫茫

怎忍拋你獨自長遊也

解袍望鄉解三醒換頭一憐你江寒歸興懶二憐你鬼

門途路難三憐你巧線無人絆魂可在幾重瀾見車馬

驚介皂羅袍呀那車馬臨河似闌珊俺疾忙索避休輕

慢作避介小生末那女子哭泣而來想是逃難的見咱

們在此便走回去了軍士們你說俺每都是天兵不消

迴避雜叫介小旦轉介聽他美言相喚鎮得心兵自閑

見介念俺望投無地幸得天兵掃關小生你是誰垣星

眷怎麼獨向河邊潛然垂涕小旦望吾鄉提將起把珠

淚彈咱侍女蒙天孫參

〔小生末〕呀你就是天孫侍女莫非織女星娥垣內之
承筐乎〔小旦〕正是二位星官怎生知道〔小生〕俺乃星
老王良這一位星官便是造父與你家星君素常交
好〔小旦〕原來是王造二位尊星承筐稽顙〔小生末〕不
消了〔小旦拜介〕〔小生〕承筐你家星主如今可在那里
〔小旦泣訴介〕俺家星主自謫分河畔神思慊慊更遭
亂離逃奔無力幸得精衛姑姑左提右挈誰料衆星
逃難肩轂相擠竟把精衛姑姑一時間就衝散了〔小

〔生〕後來呢〔小旦〕後來失散了精衛姑姑星主叫俺扶

他步上山崖這山崖前臨大河後削深峽賊兵將逼
進退無門星主瞑目觀瀾喟然長嘆曰逝水滔滔將
辭天界俺從茲同你浮游矣承筐你可上慟星君休
得爲俺長悶也〔小生末〕承筐難道你不用心看侍便
憑着你星主自赴清流麼〔小旦〕尊星說那里話俺承
筐一聞斯言心酸腸斷牽衣相結誓同死生那時星
主又對俺說道承筐你可探望山峽可能殼下去潛
身否俺不合便轉身臨覷被星主一推滾落峽中〔小

〔生〕想你家星主也多應潛匿在峽中哩〔小旦哭介〕天
那俺家星主自推落承筐去後翻身便跳入長河了

〔小生末驚介〕呀你家星主跳入長河兀的不痛殺咱
九郎也

〔玉抱肚〕〔小生末〕亂離頻難空悼憫前慳後慳既然他似
蚕繭投湯怎當那角調聲殘天孫你可也孤星河上怯
春寒九郎你獨對牛衣血淚看

〔小生〕承筐你星主旣逝不復回天就是要上報星君
目下賊已渡河料難投奔你如今往那里去逃生也

〔小旦〕咳尊星咱承筐也無意天垣了

〔掉玉望鄉〕〔掉角兒序〕俺雖然區區一髮恰分地受恩惟

萬終不當偷生腆顏這其中大有包彈〔小生末〕承筐你

如今待要怎的〔小旦〕到如今翻碧水溯流光同危難款

待塵凡〔小生末〕這妮子好不痴也你星主一落長河不

知飄流那里怎生同得他去〔小旦〕玉抱肚情知伴影料

應難或者相期天地間〔小生末〕你便趕上天孫也是無

益的〔小旦〕望吾鄉益耶否總不關將寸草結那浮航棧

〔小生末〕承筐你休要執迷自投塵網俺們向天廷奏

報賊勢猖狂你不若隨上玉京把天孫守節墜凡哀
陳血疏或者天皇憐憫召他回垣也未可知〔小旦〕深
蒙指引敢不依從只是俺陷入峽中遍身傷損怎生
走動得來〔小生末〕好一個猷妮子俺們有多少車馬
在此難道要你步行麼〔小旦〕感謝了〔小生末〕軍情火
急軍士們快安排車馬疾行者〔雜〕得令〔衆〕上車馬行

介

〔尾聲〕小生末一全貞一同患主婢如斯大兩難〔小旦〕星
主呵只怕似洛浦珠沉甚日還

小生哀哀黃鳥止邱隅

小旦無情流水應沉恨

末教誨由來命後車

合腸斷招魂一紙書

第二十二齡

城壘

梅花引生戎服上雜扮左右旂隨上笛寒孤帳發梅花
斷腸也在天涯疊壘愁城高築介雲霞陣折鴛鴦空振
旅須擺就一元靖角牙

兵戈漠漠鳥嘶風萬里悲聲徹玉穹一曲關山君莫
恨從來人斷暮雲中俺牛九郎自聞出尤告變仗義
興師叔左右旂以作牙軍訓大小童而爲步卒俺一
面進守天壘扼其要衝又約王良造父潛渡河西襲
其巢穴倘可僥倖以成功用是因功而償過前已差

下天田偵探消息且待他回來再作區處小丑上五
旂北渡將埋日疋馬西來欲到天見介星君不好了
王造二位星官統領車馬直抵河西誰知老賊聞風
回兵交仗我兵敗績而回他兩人疾走天廷請兵救
援去了生區區小孽安用天兵王造二公這一行也
是多事小丑星君不要小覷蚩尤那老賊好生利害

生天田那賊兵形勢你可知道麼小丑聽稟

鎖南枝他朝來集百萬鴉翁翁動搖天也花辰野半毛
旌指揮使人詫生他帳內還有何人小丑雌石尤煞渾

家是兵機握其靶

〔生〕這賊奴好不負恩也昔居塵世謀逆身誅若不賜
召回天久爲地府之鬼

〔前腔〕軒轅世大辟加俺天皇呵向無頭鬼門收轉他兜
的背恩深攬槍反驚駕〔振怒介〕俺晨着鞭矢撻伐晡揮
戈靖羅懸

〔小丑〕星君你攻守之備須要戒嚴那蚩尤老賊提兵
渡河將次便到這天壘城了

〔前腔〕換頭殺聲天來大河流斷斗杓况那老賊呵若是

驅排風霧便千目千手觀音料也難招架星君你無玩
兵把桴鼓槌列兩旂將陣頭打

〔生背介〕看將起來此賊當以智擒難以力勝俺聞丹
書有云以角入宮者崩以火燭黠者明俺定了此計
此賊不難滅矣〔轉介〕

〔前腔〕換頭蝥蝥小魔刺憑虛妄走沙有甚神通靈變便
做道山鬼之伎何如敢向天垣說軍士們你一而心無
亂譁倘或違按軍法

〔雜〕蚩尤逞逆河上腥聞星君撓濁澄清旂士敢不用

命生俺乃牧養起家今以弓刀靖亂須仗衆志成功
方能一戰奏凱雜領鈞旨生密囑小丑介天田你可
密密備下水牯牛千頭角笛千管五色文綉千箱聽
俺取用小丑領鈞旨

第二十三齣

愁臺

花郎兒福馬兒末扮農丈人上野老吞聲慟哭深似玉
壘浮雲也變古今水紅花俺素常饑餒自肩任圃農心
紅衫兒誰知道坂蕩遭擒今日個爲女囚餽廩

自家農丈人星老是也長年畊鑿不曉兵戈誰知釁
起蚩尤兩河星陷可憐我老人家匍匐而逃遭逢多
難被石尤魔女把一條黑索將俺竟拴住了後來見
俺潦倒龍鍾發在漸臺送管女囚茶飯原來那位女
囚乃天帝之孫名曰織女怪道前日避難之時在草

茵中遇一老媪叨叨絮絮尋問天孫俺一時與女因
閒嗑起來說是他的姑母叫做精衛仙真這也不在
話下只是俺方纔送進茶飯他啼啼哭哭毫不沾牙
沒奈何陪些小心時加寬慰嘆介天孫天孫你乃玉
葉金枝平白地遭此磨折怎怪得不傷感也

前腔老旦行上野外風雲接地陰這岐路空悲也枉自

吟末近前見介呀姑姑姑你可是精衛仙真老旦老丈人

你今日怎的就識認俺起來不記得在途間呵指迷不
體道家心欠悻悻末可曉得你家天孫信息麼老旦茫

茫何處追尋知俺天孫是怎

末 姑姑你近前來俺漏個風兒與你知道**老旦** 近前

介 **末** 密囑老旦耳**介** 那賊奴把你家天孫拿下如今

囚禁在漸臺了**老旦** 哭**介** **末** 啐這姑姑好不知事四

面俱是賊黨你怎的便哼哼濟濟哭起來**老旦** 拭泪

介 老丈人你可曾見俺天孫麼**末** 不消提起俺也爲

賊所擄發在漸臺送管你家天孫的茶飯**老旦** 既然

如此望老丈人慈悲引俺一見永劫難忘**末** 這也使

得只是如今已送過茶飯直待晚間你可扮作俺家

妹子同俺進去〔老旦〕這等多謝了〔末〕哀鴈偏傷羽〔老旦〕離鸞更被囚〔仝虛下〕

小桃紅〔旦哭上〕幾回坐滿了恨離岑又改受幽囚任也
則漸臺中星妖月魅莽相臨俺也自虛心多管是葉兒
情盡兒恩樸香兒引着蜂兒沁也怎怪得徹底埋沉難
得那一位農丈人呵誰承望向鬼窟中聲聲念苦觀音
〔雜扮二女使上〕貞閨不改英雄色遊說多羞妾婦顏
俺們乃石尤娘娘帳下女使是也前日俺家蚩尤大
王提兵到此獲一星娥囚禁漸臺着俺看守近奉密

昔又叫俺們細細說他若得回心便許一同収幸笑
介這甜頭到也好吃只怕俺娘娘翻起醋罈那時節
便捏着鼻兒怎生嚥得下去也罷俺和你把幾句鑽
心的話兒輕輕打動看他怎生回俺進見介哎喲星
娥你鎮日間淚珠兒不乾不淨怕不傷損了你的花
容也旦嘆介咳姐姐姐俺將滅之星甘心塵路安事容
顏乎雜星娥你休要直恁痴迷咱和你幸列天間只
圖長樂蜉蝣塵世可是走得的麼

江神子你不索返吟覆吟遇風月向好處披襟到頭來

雙星圖 卷一 三 雙魚圖
分甚麼貞媼可憐你在此漸臺呵無明無夜已如今孤
負了半邊衾枕

〔旦不語介〕〔雜〕星娥不瞞你說俺家大王有多少妃媵
絕不垂恩自見了你後滿心喜歡恨不得把盃水兒
吞在肚子裏去目下又破了河北只待一進紫微垣
便登大位你若肯傾心奉事則昔日爲天帝之孫今
日便爲天皇之后了〔旦〕蚩尤奪鑿不久沉淪爾每乃
天上清真怎生助魔煽虐也

〔下山虎〕你錯把腐魚澈器灰線穿鍼滿口兒胡厮啗將

天真侮媼縱然舌本生花咱只好幽香自飲咱半晒微
噴伊姐妹林〔雜〕俺每好意勸你怎生噴怨起來〔旦〕噴怨
你熱話撩人怎枉惺惺不解音〔雜〕咲呢〔旦〕咲你個一味
花妖褻個中轉深有日向業鏡臺前空自臨

〔旦靜息介〕〔雜背介〕這囚奴痴想牛星真心不轉非可
以口舌動也適纔傳來羽檄報俺大兵渡河進攻天
壘俺如今布出謠言就說河北全收惟斗牛七位星
官不肯降順俺家大王震怒發下黃河永謫凡世喜
得農丈人這老頭好說熟話聽了此言定然與那囚

奴說去斷其痴根不怕他不轉念也人間蜀女還歸
馬天上星娥只愛牛虛下

江頭送別末老旦全捧飯器上合胡麻屑可能料斯饑
病沉藍橋液可能消載渴愁燁淡生茶饑都緣恁他應
有辟穀丹金

末來到臺前喜得女使們都不在此俺開了重門放
你進去開門介姑姑你若見了天孫却不要放聲號
哭俺去外面瞧着那班女奴去也下老旦進見介天

孫天孫旦斜視見起抱哭介兀的不是俺姑母哩天

那俺自分此生長別不料又得相逢還怕是魔境遊
魂勾人殘夢也〔老旦〕天孫自從失散之後教俺遍地
追尋今日聞你陷賊遭囚令人寸腸割斷〔旦〕咳姑母
俺如今精魄久離幻形空繫雖則在此臺中是我是
誰早証了無相天矣

五般宜擔不起漸臺幽冷然布陰顛不住靈臺散莽然
錯尋續不整臺可在鳳蕭沉只有個瘦影相憐行欽坐
欽還認做野魅相猜他心我心沒亂裡瞥見娘行虛飄
飄可是您

老旦天孫你的全貞狗變丈人悉已哀陳但不識侍
女承筐可也是散去麼旦難得那妮子一片貞心聞
俺欲赴波流抵死牽衣甘同長逝俺沒奈何只得哄
上山巔推他落峽泪介如今不知飄流那里俺倒爲
他愈增傷感也老旦泪介天孫你逢了甚麼孤辰便
遭這般拆散呵

山麻稽切運逢真擲睿半點殘星寥落天心天孫俺還
有一句話要對你說旦驚介甚話哩老旦沉吟咱欲言
霎地生寒際多則是悶填曾坎禍生眼下話剪喉音

〔旦〕姑母你有甚話頭何妨明說恁的藏頭遮尾教俺展轉愁煩〔老旦〕泪介咳天孫事已如斯實難瞞隱那猾賊蚩尤攻殘河北將七路星官都投之濁流去了

〔旦〕驚哭倒介〔老旦〕扶介〔旦〕天那這賊子好沒緣由爲甚的救俺回生反將咱九郎拋溺在河中了


〔五韻美〕咱抱孤貞你淹畱恁他抱孤忠你魘地拋殘怎咱去去清濤水府同投賃〔行介〕〔老旦〕止介前後看守森嚴天孫你從那里出去〔旦〕咱悔悔當初半荏少決截羈畱一滲咱還恨恨承筐婢苦死侵倘然是早待河橋到

如今同眠浪錦

〔雜扮女使執鞭上〕臺高埋永恨絲斷織多愁〔見介〕
這老婢你是何人擅入囚臺敢是要盜竊星娥麼〔鞭
指介〕

憶多嬌你身羽林舌駛音視色回翔不自禁敢效嫦娥
竊藥心〔老旦〕俺乃農丈人的妹子因他老病不能送管
茶飯叫俺背地拿來〔雜〕倘若遲滯又管教你泉途自尋
〔雜鞭老旦走下介〕星娥你今日轉添啼哭可是有所
聞而來麼〔旦不語轉身哭介〕

尾聲望波紋織就了鴛鴦衽銀河會料成符讖雜星娥
你可曉得老憊牯牛伏水心



第二十四齣

伏魔

粉蝶兒生提衆上鞭指窮荒森列有如兵仗笠和篋甲
胄當行九重天十二野支撐孤掌咲螳螂敢把衆星搖
盪

自家牽牛星君是也率領衆星扼守天壘可恨蚩尤
老賊攻逼孤城圍如鉄桶俺細想起來戰則勝敗難
分守則逸勞自異必須老其師旅方可因利行權近
接星逝天皇特命武曲出勦河東本欲請兵救援又
恐緩不及事喜得這幾日賊心漸懈賊勢將衰俺不

免率衆巡城觀其動靜傳令介軍士們可肅整軍容
擁俺去城上巡觀者衆得令巡城介

粉孩兒合覓的駕青霞開碧幢撫孤城只爲野魔撒網
看風烟萬疊迷大荒一丸泥汚了空王丙發喊圍了介
生咲介空打熬螻蝻爭長咱咲你山鬼之倆

軍士們聽俺號令你待野色昏瞑賊營靜息一鼓起
各將角笛橫吹悲歌迭奏遶城看守不許喧嘩二鼓
起令亦如之鼓轉三通整齊戰械以憑調遣違者軍
法從事衆得令生巡視已週軍士們可打馬回營者

衆應介〔生衆唱風煙萬疊云云虛下〕

福馬兒〔爭提衆上〕這壘壘層城真片壤靴尖兒纔一晃
管教刻下兒攛孩子每且息馬安營好嘶風騰霧者〔衆
應介〕揮風霧安營介〔風鬚栗霧蒼茫〕蹬跂大天王要立
馬在紫薇岡

〔虛下〕內打一鼓介〔雜扮生帳下二卒上巡城吹笛唱
歌介〕

關山怨〔畫角兒〕嗚嗚啼蘆管兒〔嫋嫋〕悲古來征戰幾
人歸你若醉臥沙場俺爹娘辦作溝渠鬼哎喲非關

是我危多因是你迷你逞傻儻殺傷了多少老龐斜
俺如今苦伶仃贖不得你窮克罪

〔下〕雜扮爭帳下二卒上哥你聽那城上吹笛悲歌好
不傷感人也

〔紅芍藥〕關山慘慘動在離鄉爲他人辛苦郎當耳聽得
嗚嗚角悲壯撥淹煎馬嘶風響天天他說俺撇下了爹
和娘苦伶仃餓鬼行狀細思來逞甚刀鎗教二老每何
處依傍

〔下〕內打二鼓介〔雜扮生帳下二卒上巡城吹笛唱歌

介

關山怨追魂旂纜一開奪命鼓正三催古來征戰幾
人回你若醉臥沙場俺妻兒也結上胭花塞哎喲非
關是我差多因是你乖你逞傻儻污亂了多少女裙
釵俺如今半開門償不得你奸姪債

〔下〕雜扮淨帳下二卒上〔哥〕你聽那城上吹笛悲歌好
不傷感人也

〔耍孩兒〕聽的這角聲悽也愴如怨如哀訴明說俺負心
的撇下妻房天天他那里泪染鮫鮓帳俺這里擬濟了

雙星圖 卷下 三三 雙星圖
狐狸餉兩下里活熬煞都一樣

〔下內打三鼓介〕

會河陽〔生提衆上〕盡角聲哀水天浸涼何人不向故園
傷賊徒似烏翼無棲鼠頭自蹉他直下魂消喪衆軍士
開了城門殺向前去〔衆得令此時好把妖氛蕩〕又

〔內發喊介〕

縷縷金〔淨提衆上〕軍營肅恁踉蹌把都孩一個個似亡

羊〔雜〕啟大王牽牛統領衆星前來劫營〔淨〕他縱有犍牛

角怎能觸撞管教他滴血鬣鬣鋒集三軍快前往〔又〕

打陣介生淨戰介淨呼風霧介生佯敗走介淨追趕
介生放出火牛觸介淨衆敗走介生統衆擒淨介衆
啓上星君蚩尤就擒了網綁見介生咲介這老賊可
就是蚩尤麼

越恁好這癡痴微孽又賣弄的病風狂小窺坐井呆打

澈敢鴉張淨大丈夫舉事成則爲王敗則爲擄你今日

僥倖成功休要饒舌生咱萬元不壞天界長你空投地

網咱把你怪頭顱高掛在旂竿上鬼精靈押送在閻羅

帳

衆軍士將蚩尤老賊上了囚車多撥天兵押解武曲
將軍帳下聽候請旨裁奪待俺安集軍兵卽行晉謁
衆應介囚押淨下生渠魁旣獲餘孽皆降軍士們可
班師回垣者衆應介班師介

紅繡鞋合一辰早定天疆天疆六丁已獲魔王魔王班
聲靜凱聲揚旌衣捲月衣香齊稽首報天皇又
尾聲太虛自此無查障咱孤角喬撐似鰲足強不識已
往愆尤功可償

第二十五齣

孽逃

〔丑扮石尤蓬頭跣足佩葫蘆上〕兩大陰葫徹底空世
間只怨石尤風試聽枕畔三更話吹起波濤頃刻中
嗜家石尤是也齒能嚙劍舌可翻河吼一聲虎驚獅
震揮半計鬼惑神迷擗其頰擣其毛跪蒂頂燈在人
間造就蕭何之律吸其膏蒸其液轉輪旋磨來天上
教成羅察之淫原來妬婦妖姬不得奴成結果俺如
今所受用的蚩尤已被活擒去了服事的女使又皆
星茫散了武曲司的天兵却轟轟掣掣追趕前來了

單撇下老娘沒處逃閃不若走下凡間另尋勾當咳
想起昔日在凡爲石家婦兒呵〔走介〕

〔北貨郎兒〕咱是裙釵內都豈老帥恰分地虎營蜂寨扒
得俺男兒改受小旂牌他爲着夫人令苦當該者做個
逃軍永不來

自從他去了之後眼見得百般艱苦也

〔二轉〕咱只有制男兒威風雄擺倘遇別家公聞風在拜
他去也諸餘萬事乖獅兒吼兀學了病猫喚因此上悍
氣天來大弄風搥怪到做個推波鼓浪才

〔三轉〕陡遇着蚩尤撒謊上場頭把狐綏半杯看上他莽
兒郎一臉赤鬚鬚者打兒投着珮顛不刺報之釵入洞
房雙雙呆荅孩他可也慇勤奉差諸般綽開貪花好色
軟頭顱不敢擡

他初然鎮守東洋位居列將好不顯赫也呵

〔四轉〕一溜溜軍兒綽在百枝枝旂兒列擺他若上將高
臺稱元帥學着俺雄威普大風行水泝那軍士每縮着
頸睂着目沙着手忍着欵好似他聽喚承牌跪奉欵差
他便煞烘烘妄想天冠戴眼直上便將旂幟改喚沒了

後才爲一個水牛精翻下海

咱當初許他揭戈遠出却不是希圖富貴也呵

五轉也不想離宮養態也不貪垂簾弄璫只爲帝老兒
端坐九宮垓鎮日好雨雲篩誰知道雨也竟收雲也埋
也是咱少識見娘行把老公放開到如今望止煞孤哉
疾忙好離了三天界還做那摔摔颼颼買賣向人世撐
着婦女頭牌倘有個男兒薄倖往天涯咱把舟頭打將
波心拍但願得孝順閨房不去來

來到天關你看那九頭拔木猛虎撩牙好不怕人也

呵雜扮九頭神黃虎上舞介

六轉俺則見磊磊冉冉神頭昂賽律律赤赤虎頭亂擺

數神頭介這可是整整齊齊三三九九老陽排指虎介

這可是七七尺尺微陽在神虎全近前作擒丑介兩下

里古都古魯班班列列嘯嘯撼撼閃得俺志志志骨

骨漉漉魂兒不在丑念咒呼風介忙得俺唵唵叭叭咒

兒難待似這般嘽嘽轆轆關牙牙角角賽風起介好趁

這飄飄忽忽淒淒烈烈御了風簿潛潛隱隱冥冥窈窈

偷過天界早到了渺渺茫茫東南萬里涯

〔雜下〕來此乃東南之陞你看那長人參天短人合地
好不咲人也呵〔雜扮一長人從東上一矮人從南上
咲舞介〕

〔七轉〕長則個頭將天礙低則個身如蝻蚱雙雙個體局
欠分排這百丈翁常細啖人魂魄這矮結兒更爬不住
咱膝蓋他怎能奉鏡臺隨裙衩眼睜睜如意君難再咱
將唱出陽關的調兒問他那番黑黑奴奴可畱客

〔雜下〕這不是俺安身立命之所轉過西北邊關去者
〔望介〕呀你看一羣俊俏番姬來也呵〔雜扮番姬衆遊

上咲舞介

八轉一隊隊紅顏真色沒半米喬裝的粉黛黑盤頭不
沾一點露油澤褶裯兒蕩擺小弓衣襲着俏軍鞋不枉
稱佳人推北塞似俺的弄脂併也哥豎髮釵也哥打乖
獻乖倘其間落了青絲退了紅腮沒多般煞怪煞恹恹你着
他斜瞬相看露齒相哈折末俺活現鳩茶派俺歪歪也
哥俺惶惶也哥休教那咲俺膠膠也麼臙

〔雜下〕這也不是俺安身立命之所還轉到江海大洋
官去者望介呀你看那水族の男女們都來迎接俺

也呵雜扮水族諸色上咲舞介

九轉這纔是俺們兄妹這纔是咱們的樂宰這壁廂花
蛟咲月螭哈江娘子拉個喬才海和尚念個消災水相
公不離個書獸老蚌兒懷珠喂妳小龍姑雲行雨篩那
壁廂四海一浮簿試看黃河溜水自天來那千江也都
險怪三峽畔嶙嶙漢倒流崖覷兩淮曲裏沙爲界似海洋
河漢與江淮咱同着這兄妹呵撲的這打頭風問負心
的遊兒還尙乃

第二十六齣

叔女

點絳脣雜扮武曲四將校上星斗珠羅乾坤蟻磨天風
大打個呵呵折末煞這妖氛墮

俺們乃武曲大將軍帳下將校是也俺自奉命隨征
開旗出塞個個奮先登之勇人人懷敵愾之忠誰想
俺家將軍日剝青熊犒休將士閒騎白象遊覽山巔
料是天機難教星曉今日建牙升帳只索在此伺候
則個

破陣子外戎裝衆擁上漠漠天衣行蝨悠悠星焰飛蛾

集
卷一
四
集
集
未有涓埃酬玉眷且惜靈生起太和雷霆雨露何

何似長天有甲兵多緣厲障太虛清等閒咲遣兒童
掃却恨人間洗血城俺乃武曲大將軍是也兩魔煽
焰玉命長征似此掣電驅氛何異推山壓卵只是兵
戈之下未免玉石俱焚俺這幾日仗以待勞靜以待
動烏團螳聚不久離羣適接密報賊兵宵遁壘壁皆
空俺如今統兵前進觀其動靜以便安撫星垣軍士
們快整頓兵馬進觀賊壘者衆得令行介

玉芙蓉合天兵動蚪蚪葶氣應蟬蛻看長風嘯馬細草

迎戈望介那賊壘中晨鳥遶集在旂稍卧妖蟄定逃在
雲外過這是皇靈大喜澄清絳河望從茲萬元丕爽快
摩娑

末扮農丈人雜扮衆星老上不圖殘野界復覩舊衣

寇揖迎介東路衆星老稽首迎接大將軍外止馬團

營介賊之情弊星老悉知軍士們看衆星中有老成

曉事的可傳他前來說話其餘可分付一槩免見罷

衆應傳介雜下末進見介外河中遭毒苦我諸星不

識日下妖氛何以宵扈末自大將軍到日賊衆漸漸

潛消昨日三鼓之時呼了一聲便解散去了外這也

可怪但賊兵既散衆星老可也復垣麼末幸托天皇

之靈爽大將軍之威聲衆老悉已歸垣惟一女星前

爲賊擄抗貞不辱囚禁漸臺外如今便可將他出放

了末可憐那女星的夫君近日爲賊所害他志欲蹈

河以殉其難所以不敢開放外難道他身傍便沒有

親人麼末有一位仙真是他姑母外既然如此就煩

星老爲俺傳來末領鈞旨下仝老旦旦上天上衆星

皆奏凱臺中少婦獨悲商末進稟介外傳見介老旦

旦見稽首介外賊兵已散可以回垣星娥你爲何鬱
鬱久居漸臺平旦聽景

普天帶芙蓉普天樂黯孤星幽囚我爍殘星浮沉那末
亡人渺宵離魂求直指逐放清河玉芙蓉末老旦你悲
啼莫幸恩星見活試相看月逢剝蝕復娑羅

朱奴插芙蓉朱奴兒外你丕索聲吞氣呵咱能殼返本
成果將一紙符差律令梭向塵世訊問如何末老旦且
仝稽首謝介玉芙蓉招魂些料天真未磨試相看日沉

西海復東阿

〔外〕軍士們可將玄豹千頭青熊千掌醪醢紫醕千埕

發與這星老領出分給被難諸星者衆應介末謝介

玄黃未備迎君子反出壺漿賜小人下〔外〕星娥你未

若既逝無所依歸俺暫收在閨中視爲已女待俺撫

定餘魂卽發牒五岳神司查其下落倘受胎未久便

可名轉團圓旦謝介〔外〕仙姑你既繫所親便可同在

閨中以作星娥之伴老旦謹領鈎音

〔尾聲外〕咱好生成就你雙星果老旦謝你拔地生天是

太液波旦只恐怕昨夜微霜已渡河

第二十七齣

錯悖

卜算子 小生末上 塵滿都天 暝露滴瑤池 冷誰言此地
學長生 祇多少 淒涼徑

〔合〕俺王良造父前因討賊不利 奏請援兵 原來武曲
兵戎早已奉命征東 俺們留滯天垣 督辦車騎 協濟
戰械 可咲承筐這妮子 苦苦要俺伏奏 玉墀哀求 勅
牒 召他星主回天 你想如今大劫飛灰 日逐星忙 何
暇及此 只得半誘半勸 且待平定之秋 大家合疏保
奏 俺們今日啣命來催督大將軍 戰期沒奈何帶他

同往他坐的是車兒趕不上俺們馬匹且趲行幾步
向前面星舍相待者〔行介〕

羽調排歌〔合〕玉露飄殘清虛浸冷遙看草木皆兵天風
吹送什千程那玄鶴嘹高三兩聲〔望介〕承筐的車兒怎
麼還不見到想你艱難路不慣經行行就裏重行行咳
天孫旣已墮凡牛九郎此時可也知道麼料他妻涼訊
不耐聽惺惺空自惜惺惺

來此乃是天津星舍不免停了馬兒在此等候承筐
則個〔下馬止介〕

三叠排歌生騎馬上丑隨上心自省功已成這個裏真

僥倖俺前日呵擺的是鴛鴦陣中生今日哩走的是煙

蘿路中行天孫天孫你聞俺破賊勤天可不咲殺你也

這般作就那般慙愧你可也愁顏自改咲顏更俺可也

兩程喬做一程登見小生末介那星舍之間正是王造

二兄好去近前相見小生末見介九郎往那里去來避

逅相遇適我願兮生下馬攜小生末手席地坐介二兄

咱和你班荆坐揮塵清故人情繫綠楊情小生末九郎

你行色匆匆可有甚公務麼生二兄你還不知道哩猾

賊虫尤圍攻天壘咱幸托福蔭一戰擒魁小生末咲介
虫尤可活擒了麼生早已囚解大將軍軍前俺如今特
行參謁小生末恭喜九郎建此奇功天恩定然永錫生
二兄咱也不圖敘功只圖償過咱的恩緣重功績輕凱
歌聲和紫簫聲

風檢才雜扮車夫推小旦上小旦對景愁懷愈生苦追
隨空上玉京淚介俺那星主呵幾回塵夢好難醒似俺
天途困你可也世途傾似俺仙車載你可也鬼車征

作遠望見生忙下車近前哭介兀的不是俺星君哩

〔生見驚介〕呀！彘筐！你怎麼撇却星主，獨自一身前來也！

〔小旦哭介〕天！那俺星主呵！

紅衲襖，當日裡亂蹉蹉，避棘荆，驀地裡老姑姑迷荒徑。

〔生〕失散了精衛姑姑，後來怎處？

〔小旦〕那時俺星主呵！指

悠悠願把慈航證，俺哭哀哀，矢逐浪波行。

〔生作呆介〕小

旦踴哭介：俺星主好不狠也，撲着咱身兒，陷山谷坑翻。

着他身兒投江心，冷不俄延俺轉出河干，敢待徐行也。

誰想遇了這二位星官，呵！美甘甘勸着去，奏玉庭。

〔小旦作哭昏介〕生哭倒，小生末扶起介：俺那天孫你

怎生便忍長別俺去也

哭介

前腔 俺爲你握軍符奮心兵俺爲你掃妖氛破愁城誰
想你江寒夜半魚鱗靜撇得俺滿船空載月華明罷罷
俺如今也不消去見大將軍了

出文書介

這牒兒是一

片誠

出符節介

這節兒是千將柄

擲付小生末介 仗你

繳向轅門還轉奏三清也

跨馬介

俺騎着龍駒去問水

汀

躍馬下介

丑 呀俺家星君竟騎着馬一溜煙兒去了

小生末 這是萬里雲駒天田你騎去趕上星君千萬

要小心奉事俺們去見了大將軍自有分解丑曉得

出師已捷人先逝長使英雄泪滿襟下小旦醒介呀

俺家星君那里去了俺星主臨逝之時有多少遺命

未魯說得半句俺待要趕上星君去對他說者小生

未止介哇這妮子好不知事你方纔哭哭啼啼致令

你星君抱恨空歸你如今還思去饒舌麼小旦哭介

天那俺承筐之所以不卽殉難者以俺星主遺命未

傳也二位星官既不容俺多言何苦苦苦陷俺長戀天

間乎小生末你也不消恁般着急喜得你家星君破

賊成功定蒙異賞俺們如今去見大將軍求他題請
不愁你家星主無回天之日小旦只恐怕又是前番
哄弄俺承筐也耐不得多時了小生末車夫們快推
着車兒前去者雜曉得推車介小生末上馬介

尾聲小生九郎你中流擊棹把清澄末那破浪長風猶
未平小旦俺星主呵你在水滸可聞他把螭孽兒靖

第二十八齡

試貞

大勝樂外冠帶衆擁上偌大乾坤都平治天之上大歌
結諦靈虛不染茫塵眼看一派如洗

俺內垣武曲星君官拜大將軍之職出撫兩河喜得
石尤逃出天關蚩尤解來闔外俺已星夜具疏奏聞
詳列功臣牽牛實居第一原來昨日收的女星乃天
帝之孫牽牛之婦他錯聽訛言鎮日在俺闔中哭哭
啼啼傷他兒夫爲賊所害誰想牽牛已建奇功肅清
天宇俺得了大報之後卽欲與他說知無奈諸將稱

賀排筵殊無暇晷料得牽牛日下定行晉謁轅門俺
不免待他來時方纔咲傳鳳信續覓鸞膠使他兩人
喜生望外却不拈成了天間一段佳話也軍士們遇
有叅謁星官卽行傳報者衆得令

〔生查子〕小生末上〔功成拂袖歸抗節男兒氣爲得紫鸞
孤謝了金鷄勅〕

闡者星官請了俺們奉有衛府咨牒求見大將軍煩
爲通報〔雜〕曉得傳鼓介〔小生末進見介〕大將軍在上
王良造父叅見〔外〕二位星使遠來有何見諭〔小生末

右衛元府欽承玉諭恐師徒頓老有累河中特差下
星敬來請問戰期外石尤逃遁蚩尤就擒難道星使
不知麼小生末昨在途中方聞捷報下星迅速前來
一則恭賀大將軍之威靈二則進繳右衛府之咨牒

外好說此乃天皇帝之靈諸星將之力俺何功之有

小生末不敢投文牒外看介渠魁已獲卽當班師但

首功乃是牽牛須要待他前來方好錄功奏叙小生

末下星途次天津正遇牛星特行進謁不期得聞家

難心實傷悲遂繳符節文書托下星賫投帳下送符

節文書介外看驚介這牛星大可怪也何所聞而來
何所見而去

鎖窓寒他親操一旅希奇轉天行璇與璣咱圖營畫表
相待多期難道咱嫉賢妬績教他迴避怎翻然掛冠而
起此行多管是買查梨有何家難相繫

小生末不瞞大將軍說當日牛星上配天孫頗稱好
合後來因祀典呵

前腔論職供錦綉牲犧偶參差不及期遂承帝旨永異
河潛他破了賊呵準將功折罪績成佳麗他昨日在途

中得了計音痛天孫已沉河底他急忙着馬便抽歸問
水濱遙望而祭

〔雜扮星差上〕

敬傳天帝詔報與總戎知〔進介〕文昌司

抄出玉旨進呈電覽〔外看介〕輔衛兩衙門欽承玉諭

蚩尤煽亂兩河清寧共忿賴諸將協力擒解來垣若
僂之陰司便爲不忠之鬼放之塵界又爲巨逆之人
着霹靂都法司錮禁天牢永不許釋直待世姓將更
准其出現以彰禍首其石尤旣逃出天關不必捕獲
恐致滋煩武曲司所奏牽牛活擒渠魁併一切有功

星等該輔衛兩衙門優叙具奏對小生末介牽牛之
功帝命優叙本將軍一面班師回垣就煩二位星使
前去追趕牛星早來朝闕至閨房小事俺自有天機
爲他扭合也小生末領鈞旨麟題閣畔香生字鳳去
臺空江自流下外衆軍士可掩門迴避者衆得令掩
門介下外吊場咲介可咲天上痴情無逾二子一則
謝棄功名一則甘淪塵濁但從來丈夫性烈女子情
柔織女之心能必如牽牛之煨煉乎俺不免喚他出
來歷試一番有何不可叫介內侍兒可請天孫仙姑

出來相見者〔內應介〕曉得天孫仙姑有請老旦旦上
閨夢幾迴欵玉枕閣鈴一夜奏金鏡〔見介〕將軍稽首
〔外〕星真少禮天孫你可知蚩尤老賊已擒解俺軍前
來麼〔旦〕恭賀大將軍振旅擒妖上則報效天皇下則
爲織女復仇雪怨〔外〕這不是俺的功勞多虧那河北
一位經星呵

〔綉帶兒〕鳴霜角軍聲亢起平天路維漢之氏他也怨幽
房不丁憂心您是望尾閭揚簌維箕天孫俺有一句話
見對你說牛卽旣逝豈能復生須知俺斗旋兒女成二

美您不厮守虛危之室今日裡聯來合璧若論才貌呵
便與那牛郎沒差半米

〔旦驚介〕呀大將軍你主領都天燮和元運怎出此淫
媾之言有傷大化也

〔前腔〕換頭〔奎髀將〕咱做婁猪相戲空賣弄您冷胃虛脾
天那俺前日遭蚩尤賊子呵初作難鼎日相侵難道犬
將軍您畢生仇紫火還飛參悲俺井中甕斷成怨鬼休
猜是柳條搖曳〔背淚介〕我那九郎星星例張皇未迷咱
待要插翼同翔接軫同歸

下外呀天孫竟飄然進去了姑姑你好生去看護者

老旦曉得

尾聲外姑姑您說與他休顛顛這造化機關他怎得知
老旦將軍呵願您劍合雌雄定不離

第二十九齣 款閣

三疊引生上舉頭一望青天老相思狀那廂投告試聽
雨淋鈴搵不住絲絲淚裊

俺牛九郎掃霾復旦指望缺月重圓誰想人之云亡
室家殄瘁俺已將符節文書托王造二兄繳之帳下
辱蒙大將軍題明功績更許召還天孫又着他兩人
追俺來赴天垣不期自朝闕之後他便款待東臺不
容出入禮雖優渥情則包籠教俺好難測識也

九迴腸解三醒既不能靈犀相照又不能續命相招這

桃源錯返仙家棹雲雨暗阻河橋多管是英雄不憐花
夢杳早難道水月空看真魄遙天難曉〔三學士〕你枉開
東閣將賢名更那堪哀鴈羈巢〔淚介〕俺那天孫呵你翻
身便解離思印俺泪眼長隨別浪船〔急三鎗〕只索向晨
風處殘月裏他去紅塵界煩待寄鮫綃

〔小生末上〕酒闌北海還堪酌花謝東風又作梅俺們
奉大將軍之命來與九郎議婚此間已是東臺不免
竟入〔見介〕九郎你獨坐凄然有失陪奉〔生〕二兄你當
日曲俺來垣曾說大將軍能拔地超天續成伉儷何

料淹西府署出入防閑這個意思是何道理〔小生末〕
適纔大將軍說道逝者不可復來斷者不可復續命
俺兩人好生致意九郎休生傷悼他有一星女呵

〔鶻兒墜桐花〕〔琥珀貓兒墜〕天閨淑女真色自妖嬈料不
是統鈺勤兒續尾貂擬將玉蕊接連條〔梧桐花〕他細語
冰人往問若你衷情可也能然諾

〔生怒介〕大將軍莽雄氣魄何知憐惜花香到也不可
深怪二兄與俺交遊頗稱知己怎將不入耳之言來
相勸勉乎

前腔你些兒不曉枉自訂深交俺腸斷天津題恨橋在
閒庭泣涕一身遙縱有靈花可解咲咱虛空抱影人兒
妙

〔小生未〕俺們奉命而來不敢不達至于事之成否在
于九郎何必恁般氣忿也〔生〕咱出言唐突望乞包荒
還須仗二兄善言爲俺謝大將軍呵

尾聲咱幽魄已泊在河州瀟莫認做關雎同調〔小生末〕
咳九郎你海若汪洋赴沃焦

第三十齣

鵲夕

〔雜扮二童女持幡幢上〕一個恒沙億萬身天星莫咲
撒虛真試看野色風雲幻造化從來作弄人自家武
曲大星君垣內侍香童女是也俺家星君素無彩鳳
安事文龍邇因北路牛星功成朝闕遂而欵待東臺
今日又命俺每捧着幡幢迎他婚媾其間作用委實
難知俺如今奉命而來只得敦請他前去則個朝鬼
門請介〔牛星君有請〕〔生上〕荷葉杯舊恨和誰堪說明
身新恨更龍鍾無情老子扇冬烘色摩空〔雜見介〕俺

家星君謹卜良辰安排喜宴特差俺們童女結彩相
迎望星君早駕雲馭生你家星君今日之宴所爲何
來雜俺們也不知道星君親至垣中自識分曉生嘆
介咳這場事怎生是好少不得走一遭兒與他當面
决絕也行介

北新水令生這無媒徑草自悠悠病王孫幾翻儻憇你
安排了衝喜宴俺吞上也鈞愁鈞在帥府摩留迫忙裏
索分割

全虛下

南步步嬌老旦旦上〔旦〕已矣殘星無復晝
眨眼風魔又將軍呵你功能補不周季女維天却引沉漏〔老旦〕天孫
你靜坐閨中不須煩惱俺去堂前打聽若真個逼你重
婚便拚着老身與他厮鬧就揭奏玉階也說不得了磨
礪老拳頭教他毒飽難回手

〔全虛下〕

北折桂令雜執幡幢引生上〔肆〕天筵有甚緣由滿耳笙
簧刺骨戈矛任麟膾醺漿則好是未盃先醉不箸而投
早難道龍漩醉柳料應非麻屑餐劉怨也誰尤跨不上

洞裏音鸞騎不出關外音牛

〔雜〕來此已是內垣待俺啓上星君前來迎接者〔朝鬼
門唱介〕牛星君到了〔外上〕相見介〔外〕佳士延東閣〔生〕
美人困北溟〔外〕將心托明月〔生〕委恨赴殘星〔外〕台星
功高玉宇老夫志托闌臺特修不腆之筵敬叶其昌
之願〔生〕肅承鈞旨敢不趨承但不識今日華筵因何
而設〔外〕咲介日來曾托王造二星介傳鄙意難道台
星不知麼

〔南江兒水〕月宇蟾遭蝕花臺蝶綴愁你一星淡慘和天

瘦轉轉靈機宵還晝臻臻少女箕堪箒接木移花可又
芥子繁稠難道是苗而不秀

〔生〕不瞞大將軍說下星自聞家難腸一日而九迴天
緣事久不着胸中矣况守利全貞化元之正伏望大
將軍鑒察也呵

北鴈兒報得勝〔鴈兒落〕你只看大陰陽對待周又須把
真性命閑推究早難道月沉埋日再迷料不是地劈裂
天還媾得勝令大將軍倘能將箸尾借前籌把我人名
更何有這壁廂強交付喬相識那壁廂不思援溺共舟

新舊筭只好水月空中構遨遊者做個烟波江上叟

〔背介〕老旦上

仙逕水流橋天機山湧潮

〔小旦上〕

鮫人

空落落舟子漫招招〔見介〕姑姑你怎麼也在此間老

旦〔承筐你一向在那里怎不見來〕〔小旦〕俺前日遇着

星君今日聞得他招贅武曲星娥姑姑你來得正好

可同俺去與他爭辨也〔老旦〕承筐你家星君可也無

恙麼〔小旦〕似他這樣負心難道肯與俺家星主同沉

濁界乎〔老旦〕你家星主現在西臺怎說這話〔小旦〕驚

喜介〔俺俺俺家星主可在西臺姑姑可引俺前去者

拉老旦行介老旦指鬼門介兀的不是丞筐你家星
君如今可在那里小旦多管在堂上也忙下叫星主
扶旦上介

南僥僥令機中藏織女老旦忙進見生介生轉介姑姑
你從那里來也老旦扯生行介堂上咲牽牛小旦引旦
付生老旦引生付旦介介你兩處沉沉模糊怨生旦相
見哭介似空裏種花枝生並頭

生旦轉拜外介外答禮介

北叔江南生

呀謝你個撮合山風雨聚羅浮轉生鐺水

火濟丹邱巨靈拳丁甲定熬州纔喚醒幻漚又可憎的
因果証瓊樓

南園林好小生末捧詔上合那分明玄玄弄猴他虛誕
呆呆撒毬這紫封是神鍼妙灸離和恨盡消勾又

玉旨下跪聽宜讀詔曰蓋以天高地厚經二六時而
一週日精月華歷三十辰而始合所以達陰陽隨厚
薄育靈機而養化元也近因人世不道濁亂成風有
數夕而一渡者有越夕而一渡者有一夕而一渡者
甚至有一夕而數渡者唯狎以淫因促而天咨爾雙

星以樂以哀未懼于極雖東隅鞭蹶而桑榆一轍尙
其收之其牽牛擴清天室織女抗節幽臺俟與武曲
大將軍暨有功勲忠節諸星另行叙獎外茲特勅爾
雙星仍處兩河各供乃職七月七日着靈鴉使者駕
渡虹橋俾麗情與雲雨俱和而好合偕乾坤共永矣
善哉謝恩衆山呼謝恩介聖壽無疆起見禮介外咲
開武庫理絲桐生旦牛溲蚕頭屈藥籠小生末空效
馳驅承玉命老旦難填河漢代天虹小生末辭介恭
傳玉旨伏報金階外留介備有喜筵少留光座

北沽酒賀太平沽美酒生種天緣在玉樓逢帝子錫迤
還揖小生末介謝寶馬香車引上頭揖老旦介老姑姑
還左右打熬處自綢繆太平令兀亂裡丹書寬宥驀欲
地山魑仇寇謝外介夫人峯靈回巒秀新婦磯空疑舟
覆俺呵從今後打周磨周好不耐在七月七晝指小旦
介呀也虧這小侍兒兩廂趨走

外叫左右快安排喜筵請衆位星真早行慶會再傳
鈞天樂工霓裳舞女好打盞送二位天星歸洞房者

雜早已排定了

南尾合繪雙星不落尋常殼情則個相當然有這纔是
天籟元聲大者謳

